

兩朝從信錄

兩朝從信錄卷之六

秀水 沈國元述

閏二月乙亥

御史董羽宸進補偏救弊十說

絲綸之出當平。

爾時批票言官之旨互有異同故也

牽制之文當決。

一柄互操一事

遇誤有考成而無類報有提催

官府之法當一。

謂中官既與事權宜

有統攝或如宋制隸閣臣或聽考察

政刑之明當速。

特李維翰

于禮部張捷熊德陽之議當從也

保舉之法當嚴。

巡撫之任當久

范輩搜羅材武不起廢之法當核。

補官之期當一。

凡前此被處諸臣定

拘科日資格以二年為期至期赴部便與請

文卷之刷宜嚴。

宜嚴勅內

給憑赴任亦不許坐家待選

外各衙門

凡係刑名錢穀等項宜有議驗卷宗便就該衙門內專責一官清理收藏以待不時照刷無令吏胥得舞文弄法其間在內府每卷一宗必令抄謄立案以原卷送巡視衙門設立庫房收掌之隱匿者罪如律庶職掌巨細年月終始極若日星御史照刷不爲故事而孤鼠出沒之奸可執而問也

御史江秉謙敬陳虛已奉公兩規爲君莫先于虛已而以篤學勤政聽言爲大爲臣莫先于奉公而以格君用人任事爲要

御史賈繼春直陳具揭之實奉

聖旨賈繼春暗揭流毒造言誣朕若黑夜行刺使人莫防朕未嘗責究自繼春揭出之後引類彌奸爭端大報大臣求退小臣紛囂咸畏繼春有倒翻天地手段廷臣莫敢言

其非朕皆隱悉。今繼春全不改省。仍大膽欺天。昂然肆逞。日無君父。况選侍移宮以來。未見繼春有疏明其可否。却借逆揭爲撓鱗逆耳之說。排制朕躬。要名減罪。今奏內只言具揭之實。不明揭中之語。更見欺昧。姑着照原揭回將話來。

命大學士劉一燝等擇日開館纂修。

神宗顯皇帝

光宗貞皇帝實錄。

風霾。

初四日丙子申時。風從東南方異位上來。黃塵四塞。占曰。有兵戰。人主憂。客兵傷。蝗害穀。又曰。猝兵圍邊城。有。

旱風雨
則解

諭內閣傳兵部

聖諭朕見今日偶然風塵大作心甚兢惕卿等可傳示兵部行文星夜馬上差人傳與九邊經畧督撫鎮巡等官嚴加防備務保萬全毋得疎怠特諭卿等知之

命本兵速議復關切邊務章奏并申飭京城譏察防範
禮部奉

聖旨風霾示儆已諭該部申飭邊備大小臣工仍各恪勤職業共圖消弭以副朕謹天戒至意

御史潘雲翼救急入款簡戎政之任儲邊疆之才固山海

之防設薊門之備聯中外之心鼓士卒之氣嚴奸細之禁
遠哨探之役

荆王助餉

上嘉其忠義命所司貯之

贈卹原任都司馬如錦從巡按沈珣請也

戶部主事陳國鑰上疏請旌表七世祖陳榮孝行

水火不能
及其至人

按建寧府志有陳寧居民陳榮奉母竭盡心力母雙目
失明十年百藥罔效尋得術因効忽聞舌底可愈目疾為
之日抵數十遍母一朝豁然開視重明更壽十餘載又
鄰火及屋勢甚危逼榮從外奔救極母踰呼須臾風返
母得無恙又鄰城水災人民漂沒無算榮與母兩地隨
流各附一木至福唐螺州潮達岸卒遇其母扶之而歸
螺州官舫內郡守夜夢神告次午孝子附舟郡守睽舟
待至舟中一木中岸視之則陳榮也郡守驚詰何以孝

連勅天曰予何知孝惟
飲十食不敢忘母而已

大風霾

初六日戊寅午時風從東南方翼位上來黃塵蔽天占
曰微日風從陽微方來大旱有邊急有兵喪又曰工土
與食物貴一曰有火
三日內有雨則災解

陝西總督張鶴鳴工科都給事韋蕃以黔事詰奏不一

上曰鶴鳴廷推簡用又屢荐稱其勦苗事已經彼處按臣
勘明到部何不早復以滋多議章並下所司

南臺御史曹汝蘭極言

君身關係之重宜加意自愛

上嘉納之

御史魏光緒奏曰。臣惟父母之仇。不共戴天。忠臣事君。有死無二。未有普天率土。悉主悉臣。而黨惡容奸。醜詆如今日者也。

先皇帝以

長君當主。何嫌何疑。而無端燕啄王孫。爪抱空夢。奸人構煽。每思爲所欲爲。海內正人君子。一有指斥。輒以東林淮上爲阱。驅除旣盡。釀禍遂烈。並封妖書之事。恨不從心。而張差挺擊之謀。庶幾着手。

九廟有靈。旋就撲滅。而招據黃花山。圍聚之逆謀。三十六都頭內外多人之布列。棗木棍柏木等棍之兇器。打死小

命穿有吃有之逆詞洞心賊目無日無天此時稍有人心請劓殺賊謂宜何如激烈乃諸臣精神不用之以護

青宮而偏用之以庇奸黨不用之以伸法令而偏用之以難問官首捏風癩以爲後來脫卸張本司官承望風旨曲意偏護于緊關口詞七段則脫漏不載也投入黨內改爲教內都頭改爲香頭計地三十五畝已載入招又復割去筆蹟割蹟見在也張差以手拍地你們同謀做事今事敗不認難道獨死還有三十六頭兒怎麼不報等語竟付之不問也千遮百蓋惟求與風癩二字相肖主事王之案懼爲赤族之禍據審原招明白入告而諸奸恨不附已唆處

察典既入貢錄

中旨追奪

誥命主事李俸曾奉堂批止參語于其轉官之日聲言要分勒令致仕郎中陸大受張廷上疏告變其後張廷憂死而陸大受又以大計調處此之案諸臣所由得罪奸僂之本末也嗟嗟逆

君者有罪發奸者何罪捏風癩漏招詞者有罪而抒公憤拚身命者何罪即云之案居官有議胡不處于作令之時而李俸陸大受又豈俱以貪酷敗者耶且是非不兩立功罪不相準之案非則張差是矣之案而當罪則張差而當

賞矣。雖有病狂喪心之人，必不敢謂張差爲是，爲當賞。而所獨于之案督過之深耶？況此一事也，拿賊奏聞者

先帝請下法司者

先帝

皇祖曾不以

先帝之請爲非，而爲之決張差、殲奸豎。凡十年不御之朝堂，一旦召見羣臣，面行撫慰，然則

皇祖之于此事，亦曉然明白，特諸臣以瘋癲二字，無所歸着，故寧寬賊徒而罪之案等耳。

聖明在御，恩及林藪。凡建言受杖之臣，先後耀于光明，而

三臣去國孤踪尚爾不蒙昭雪此數天忠臣義士所以
歎嗟感情而不平也近者林居諸賢發單咨訪而臣謂之
案二臣而外不知誰爲歷卷何者忠

君報國之外無真人品而貪廉寬猛之間猶當十世宥
且臣堂官張舊爲司寇見在都門而逆犯供吐原詞一
一具在伏乞

勅下部院從公查勘張差原招口詞有無在卷當時經手
各官有無改竄原招抵漏情節王之案李倖諸臣應否從
公勘奏者有無挾私處分一言涉虛臣甘受虛妄之罪
倘之案等爲法受惡果出非辜亦當破格

立賜擢用，以爲人臣忘身殉國之勸。若傍撓有人，終從禁錮，此種公案亦須洗刷明白，使人知三臣心事亦曾有人謀之者，即三臣終老岩穴亦無怨恨矣。臣查之宋作令清苑亦廉平，即大受一時屈處，豈足深惜而臣諄諄言之者，非爲三臣也爲。

先帝也爲當時舉起。宮中舉朝袖手而三臣奮不顧身，抗疏奮筆，猶能少存公道也。若區區一官三臣自誓之日業已弃却，而今日乃欲以腐鼠赫之乎？嗟嗟之案本無罪，而諸臣強名之曰罪；楊漣本無功，而諸臣強名之曰功。有罪者去，有功者亦去，然則爲今之臣必當何如而後可。

手臣願與天下萬世共贊之臣初入班行內不知忌諱伏惟

陛下垂察焉奉

聖旨前事已明這存沒各官着該部恩詔例召用臣錄
吏科成明樞請復行取之制疏曰切惟

國家行取之典嘉隆以前日期不定人數不定資格不定
自隆慶三年吏科都給事中鄭大經題本部復准以後
行取歲一舉行則制自此定矣

神廟初何嘗不每年行取迨至二十年後遂慎重斯舉考
選之命再不輕

隆慶三年
吏科成明樞
行取

允爲銓臣者亦無可奈何于是爲題留各部又放假另考人才備官署空

國事亦壞迄今

聖主登極求賢念渴考選

速下三資連聘矣寧非盛事哉第今年之冬天下又當

觀期前家臣申飭貪廉恬兢一疏末亦惓惓于行取復舊之說復之此其時矣然有爲之慮者不過曰三資并

下尚有有人而無官者矣然獨不思昔日之壅滯政惟是神廟時不肯時時取用耳苟不及今速爲節次行取將日下已用之人至明年而始完至明年所留之人必至又明

年而始考將留部成牢不可破之案而三年一

觀之規參以考選行取之事大察之

典又何爲而夾集混亂至此也耶故以行取之

制必一歲一舉行爲甚便一便于歲取則一歲中之俸足者不多幾人修筠玉笋泠泠數竿爲缺亦易補用亦易再無淹滯也一便于歲取則人心踴躍數日可得吾曹是愛吾朋無愛再無變志也一便于歲取則新新相生事業日異前無鈍足後有先驅誰肯慢事使

國家不收得人之效也

臣

愚竊謂即于今年將天下推知

俸已及期者總萃爲一單即遍致之各省撫按除不肖者

聽即行參處外有數人即合京官博中行三等俸足者案
而發訪堪部用者即添注各部堪言路者即注以候考俱
免其朝覲令其解任赴京宜部者到任宜考者節次考
選續于今咨候補之後以次進衙門至于朝覲時止存
俸未及期之官純以大察事爲主察事完即便赴任再不
容逗遛窺望至明年又有明年該行取之人另發知單取
進不與大察相混一條即功令尤爲明白可信可遵者矣
至于論俸之說

前朝皆三年內外而今以四年又以四年四月矣無非爲
前取已積後進難容故爲是難題以消耗人心耳今似當

以三年外者即筭俸足不必四年四月爲俸足也此又任
統均銓臣酌量輕重可否之衡而固不能代庖矣祇緣
覲期在邇行取重典故爲是亟亟言之少遲則無及矣
上命所司確議具復

命南京諸司預建黃冊庫房慎重圖籍

司禮監勘結陵軍鼓譟始末奏上奉

旨劉馨着送刑部擬罪李受等責降有差劉尚忠既不知
情姑免究○坐營李鳴雷革任

營慶陵

慎防薊門

封郭據明博平伯王天瑞永寧伯王昇新成伯各食祿千石

工部奉

旨定陵寶頂照

承陵丈尺培築

起董應舉大理寺左寺丞

遼東經畧表應泰條上夷氛正熾應援太緩疏曰臣聞兵者國之大事亦國之危事也不得已而用兵利害存亡介在呼吸非可徵幸嘗試者也若無事而捱至有事緩時而捱至急時固可歎矣乃有事而恬若無事急時而不若緩

時尤可駭矣。遼左當屢屨之餘，奴酋席屢勝之勢，破關錄不移時，禽宰賽如反掌。日收西虜之降，以益其兵，而三韓土地人民幾喪其半。且與我叛臣旦夕圖謀，大逞未嘗須臾忘也。事勢到此，何如其急，而中外之應援者，宜何如哉？
臣非能知兵者也，但所仗者兵馬耳。錢糧耳，器械耳，將吏耳。至于布置平時，相機臨敵，臣功罪且未暇論，無論諸項之中，有一可缺乏者乎？有一可耽延者乎？以兵馬言之，征調強半脆弱，召募原係白衣，甚至邊鎮將領，居爲奇貨，如總兵王汝金，坐營陳應武類者，姦弊百端，難以枚舉。遼左曾不收半臂之力，然猶曰古有驅市人于閭左而戰者。

在上選練耳。至淮揚都司金冠江南營加銜都司王表各領兵一千名于萬曆四十七年三月內到天津迄今三年矣。皆藉口奉部劄修船不移一步。臣一面咨督臣嚴催一面托該道查修過船隻內王表方修得六隻金冠又稱原座淮揚巡船不堪補驗必須拆造而復謾于錢糧不湊手大以咫尺之山海一葦之旅順三年之內船可修則請修不可修則舍舟而陸日行五十里月餘可抵遼陽乃安坐三年不知其曾支餉否。至今糜費若干致各兵效尤客歲守備王錫斧等領淮浙兵七千名十月到津竟營謀運糧不肖渡海此猶在都門外者也至在京浙兵三千名

寫得可恨

錢粮

客歲九月內前經臣熊廷弼咨調援遼臣履任即伏疏請咨催不啻再四聞各兵多勇敢願行乃原領兵都司張超懦怯縮胸百計營脫甚欲唆兵鼓譟以遂其計是

輦轂之下且敢捍圖若此矣以上共兵一萬二千餘人皆擔援遼之名支援遼之餉又非有萬里之遙及早出關未必無助乃久者二三年近者六七月逗遛觀望到遼何時至近調家丁一萬名以山西三四月可至若薊昌宣大止月餘之程而踪跡尚爾杳然此兵馬應援太緩者也以錢粮言之馬足專靠粮艸今粮已絕斷數月艸亦轉運不前馬之死者十二三矣存者骨立如柴矣此可抵當夷馬乎

軍士專靠月糧每半月愆期輒借貸豪門或質當鎧杖至
一二月不給則逃不能逃者奄率鵠面此可抵當夷人乎
然

朝廷實未嘗省得分毫雖云愆期亦須補發乃一愆期而
貸質子錢幾至強半名有一兩五錢實得八九錢之惠而
物騰貴馬安得不倒士安得不飢軍聲弗振實由于此
前疏預發軍餉三月按時支給餉不加增而軍得實惠所
裨不淺又疏海運及時料理免秋風之漂失省陸運之勞
費勿再使士馬彫殘今折色愆期如故本色無銀造船將
來不知作何狀又咨

請小車一萬八千輛然推運但可行運軍不可行之汰兵
往返商量又費幾月懸釜待米不脛難馳目前又不知作
何狀夫奴酋日欲乘我之飢其關係非細故也即不然而
十餘萬之兵久頓于邊枵腹能保無他虞哉且與延一年
當早辦數月其省費相去何如也而竟不得如願騰飽無
日戰守何資此錢糧之應援太緩者也以器械言之禦虜
長技莫如火器內府解發銅砲雖多放輒炸裂不得不
造鐵砲然非一朝一夕手足所成頃臣疏

請發薊保宣大山西督撫料價共五萬八千餘兩分投打
造先那各鎮見存火器一年即以所造抵補乃工部委之

戶部矣戶部復

北病唯醫

請歸工部矣、二部相推遼陽受悞奴酋聞之不知如何慶幸恐不免議定渡河之謂也至硝黃尤係吃緊臣于客歲十一月內疏

請硝五十萬斤、黃十五萬斤、十二月內咨取黑鉛五十萬斤、銅鍊三十萬斤、經今三月矣、銖兩未到、各營將領向臣

真狀

催討迫切之狀、皆口不忍讀耳、不忍聞而矐目無以應其、他一切器械無不缺乏、不幾于張空拳乎、此器械應援太緩者也、以將吏言之、將吏聞渡遼如臨虎穴、如避湯火、若近蔡倪寵等、今疏金冠等不必論矣、文臣如前經臣議

行前次相
去之速

朔井陘道臣朱之臣遂從此修卻挂冠而去惟在這諸臣
期以身殉疆場不以賊貽

君父項

臣

與各道議兵馬錢糧器械件件推求實難憑仗

臣曰然則何恃而不恐開原道臣崔儒秀曰恃人有必死

之心耳昨奴酋以數萬騎圍惱惱之奉集自以爲敵無不
克在其掌中乃監軍道臣高出鎮定調度神色不變睨視

佩刀即有意外引以自裁挺然義不受辱虎皮驛兵將赴

接

臣

慮夷賊乘空虛亟行開原道入守而該道已先有此

意立刻帶數百騎入廟皮時奴遊騎薄虎皮僅五六里見
揭座大起遂引去大營所謂人有必死之心已足徵一班

矣。漢人有言：夫正爲必死，故吾得與之俱生。宋儒謂仗節死義之臣，當于直言敢諫中求之，而指斥

乘輿易觸犯時忌難。惟三十八年來，人情世變，當勢焰薰天之日，而不波流披靡者，亦自有人，可效遠左之用者。趙邦清、張國儒、李國儒、宋樸，撫臣力言其宜用。且曰：吾輩身在洪濤，則濟國事非有所私。萬一輦轂猶膠，故常致有後言。僕當出疏，百口贖之。揔之我見得是，官爵猶後，遑恤人言。況此際危迫，爲

宗社需人，豈爲一己市德？邦清則道臣，胡嘉棟、牛維曜皆其才。撫臣張國儒與宋樸會，臣以邦清會督臣，皆深爲

許可復臣書曰才華骨幹如邦清當今天下無難事此語
極爲得人倘以治勝者治遠有兵不練乎有田不屯乎臣
既自知其人而督撫道臣羣心如一臣謬以爲謀宜從衆
師克在和遂列名上

請意欲得三人爲

皇上同死封疆至于重察典委非臣愚所及今日以功名
富貴論則不宜用若人以重察典以仗節死義論則不妨
援若人以重封疆如共事道臣五人皆妙選天下賢才擇
而用之者也亦皆被過考察蓋側僚負俗之士視官爵若
敝蹤視死生若旦夕不肯俯仰時趨故往往從盤錯中見

而

國家有難。畢竟無此人不得。臣求甲科推官五月矣。求監軍道臣三月矣。而渺無一至。以倪寵金冠革旣若。彼以推官監軍。又若此。此將吏應援太緩者也。夫求者愈急。應者愈緩。急則搶地呼天。或觸時而傷諱。緩則視陰敲篋。且顧後而瞻前。臣雖藏三牙。哆三足。徒歎曲高。靡和。獨拍無聲也。不知諸臣亦念及

皇上金甌之天下否。臣謹按

大明律一款。軍官託故違期者斬。又行糧草料缺乏者斬。又應合供用軍器缺乏者斬。

祖宗豈故設此重典。誠軍旅係存亡之關鍵。務非一人可辦。欲司兵戎者。司錢穀者。司將佐者。各盡其職。而後折衝耳。鐘鼓式靈。嚴法律。正以固金甌也。奈之何泄泄也。伏乞

皇上延覽當局。淵然深思。念兵馬不齊。錢糧不敷。器械不精。將吏不備。則奴酋必不可破。遼東必不可守。則社稷不安。惟

皇上大賜乾斷。凡臣從前所

請。立刻應援。勿再遲緩。使微臣早得措手。或守或戰。或進或退。期于中機。斷不敢爲孟浪之舉也。廟堂之上。勿先

立一膠柱之見而謂奴不可與爭臣前所

請可以遲應一着差池噬臍何及逗遛三年如金冠王表
逮繫正法還縮奸狡如張超黜革永不叙用王錫斧臣等
提究庶人情少肅可鼓後來抑臣猶有

請焉部臣如戶部之新餉司兵部之職方司工部之虞衡
司都水司皆與軍事最切者也今後各司定當久任與遼
事終始則不傳舍其官始不蓬蘆其職封疆其有濟乎并
乞

勅下該部議復久任責成如有不效罪有所歸但使奴氛
撲滅臣當束身闕下請受責貶

至尊唐突諸臣之罪臣死而

社稷尚安猶愈于

臣

死而

封疆不可爲也

吏部等衙門會議奉

聖旨移宮始末事情中外臣工共悉自賈繼春揭出朝端紛囂不已近又具疏肆辯張愼言等身居言路不肯直剖是非却借調解爲名實乃背公植黨本當革職念輔臣侍講經筵屢爲申救姑准從輕張愼言高弘圖俱罰俸二年王大年不候會議急于奔救止知植黨不顧大義且說人主于言官無可奈何是使言官思欲上天耶亦當重處輔臣奏說係局外之心實無他姑着罰俸半年王志道等

不思國體連章瀆奏姑且不究以後再有借端煩擾的必
罪不宥

禮部奉

聖旨雨澤愆期朕念春農宮中齋禱所奏知道了爾大小
臣工宜同加修省以冀感通祭告郊壇遣國公張惟賢侯
吳汝胤駙馬侯拱宸伯陳瑋劉天錫張慶臻與順天府堂
上官各行禮

刑部主事萬燦上言乞明刑清獄以弭天變

起孫瑋南吏部尚書魏恭蒙南戶部侍郎兼僉都御史總
理糧儲朱禧南祭酒

修省

明刑獄

起用

大學士劉一燝等奏言

慶陵關係匪輕

上命禮工二部堂上同御史傳宗龍等及前去科道等詳加審視確議具奏

御史劉大受言時政五隔其一上與下之情隔其一大臣與小臣之情隔其一京臣與邊臣之情隔其一腹裏與塞外之情隔其一理財與牧民之情隔

保定巡撫胡思伸疏薦原任陝西按察使邢雲路精於曆法宜乘其精力未衰起用釐正

時雲路年已七十有三精力強健曾推算泰昌元年月食臺官失算二刻驗之果然故人多異之

御史謝文錦乞申飭經撫鎮道各邊臣深謀遠慮安戢西
虜防禦東夷并

勅各省直有司愛養民力收拾人心至于練軍一事專責
各分巡兵備道以消彘孽以戒不虞元氣固而神氣自張
矣

上諭戶部太典費用浩繁額需難以議減
皇祖大罍外進數雖可據內庫湊用甚多自後屢遇婚禮
除年例買辦銀兩部進尚增數倍卿等豈不盡知照該監
原題辦進不得預擬成數俟朕臨時裁酌

遼東巡撫薛國用叅劾失事諸將疏曰

臣

竊惟遼事之壞

於義氣則
有餘而
其懷
者矣

也。種種之弊套，釀成奴禍，諸不具論。惟有三路敗衄後，中
鮮爭以躁率相戒，不敢藐視奴而輕言戰。切切惟守是圖，
誠爲得策矣。顧所謂守者，非徒嬰雉堞，深壕塹之孤城，固
將四處之村落是護，即不輕戰者，亦止未敢妄急犂犂以
探。廟穴原非謂寇入門庭可縱之飽欲而去，不爲截殺也。
乃兩年以來，修守亦稍犂具，兵馬亦漸屯集。我雖戒往事
而不敢輕入，則奴亦當警我兵威而不敢遠出。今何以舍
老寨而結新寨，近且盤踞撫順也。又何昔之搶掠猶在我
兵戍守之外，今且深入藩奉之內而肆然無忌也。此果奴
之兵力所向無前，奴之詭謀神鬼莫測哉。良繇我之指揮

者習蒙蔽爲故智以掩飾爲長謀烽燧每每不明偵探常
常失故或醉夢終日而一籌之莫展或倉皇失措而站
立之不定或虛憍恃氣而觀望爲之前是以來則不知
進則不敵去則不追甚且張鋪滿紙掩罪爲功任其大入
大利小入小利而曾不能一創也所從來矣臣受事以來
經臣督臣每相告誡痛懲此弊冀諸將大家洗刷翻然振
勵庶幾不至顛越以遺疆場羞正月十九日奉集失事李
秉誠匿不以聞臣等直窮到底不敢少諱即舊按臣陳王
廷所報殺擄人數二百七十餘名而臣等再四覆查會叅
疏內多至三百十餘名矣豈不知損失已多臣罪愈重要

不過重視

封疆爲

朝廷信此法紀而不敢以一身庇罪帥也未幾二月十一

日不意復有奴賊之大舉初渠攻圍奉集臣意奴熟窺奉

集之淺深而知其必攻也再報倏至沙河臣疑或以一兵

綴瀋陽而令兵將不敢出援也心甚危之已而得報奉集

有道臣高出在臣私幸有所恃又未幾至瀋陽臣又私幸

賀尤二帥可領精銳以馳援奴必不能得志也越三日報

奴兵千十二出境堡城雖幸無恙殺虜計或不免臣當即

牌行分守左右監軍道臣等親履地方嚴查損傷士馬擄

大器大破
之固其
平水此
戰功

大器良器

去村民人畜從實開報業同經歷會題外惟是人言紛紛
有傳保全奉集全賴監軍道臣高出奮以身殉而將士始
效死以守者乃李秉誠塘報猶自矜分布之能而以斬獲
首級保全孤城爲已功也今日之秉誠猶然往日之秉誠
往奴以數百騎嘗我倘秉誠敢以一矢相加遺不至有今
日則今日之禍秉誠招之若非道臣前一日至臨期又
非經臣懸重賞購死士突圍而入授以方略則寧息已斷
人心搖撼奉集爲清河之續未可知也道臣雖不自有其
功而秉誠亦當愧死此所謂一籌莫展百計欺罔禍之首
罪之魁禍斥未足以盡其辜者也有謂朱萬良請警赴援

一遇賊鋒輒自奔而反引賊深入者乃朱萬良塘報猶妄稱自午至申盡力死戰賊見奮勇勢方少却而當日駢殲載道毫不相肖也萬良所統之兵原自經臣標下之兵頗稱精選維時教其可戰則戰固可挫其銳即不可戰而堅持以守亦足以堵其入何至甫遇敵而即奔散也愈奔愈近直抵沙河曲望見開原道臣崔儒秀所督援兵塵起身幾不免雖曰衆寡不敵然忼慨而往匍匐而歸驅士卒以殉也不亦喪氣之甚乎又有賀世賢尤世功爭賢虎皮擁衆自衛藉口信地瞻望遲回者乃兩帥塘報不曰賊衆而整其來也未敢擊則曰以精卒爲後勁其回也若脫焉未

可追且以知已知彼不輕一擲以自解嘲也兩帥夙負勇
名而所部兵丁尤多驍健矧去奉集所掠處僅二十里倘
未做時留兵將若而人以城守出兵將若而人以拒敵躍
馬先登片時可至奴之整兵即不敢敵而散騎零掠獨不
可斬獲乎奴之後勁即不敢擊而馱載搬運者獨不可要
截乎彼札營我亦札營雖相持日暮而歸詰二將至午方
至實爲規避悠悠遲返而奴之創獲已盡輦而歸矣夫以
將之巨擘而伎倆若此反善爲奴描寫而張其勢若此奴
尚安所顧忌哉適以貽之笑耳故奴十二日方出十八日
復來即未深入暫退而回鄉者屢報造鉤梯置一飯勢在

必逞則以我兵從來未收一戰奴賊從來未經一挫其耽耽扇視無足怪者且殺奴之計固在攻堡實圖搶掠我之將士軍役亦曰保孤城可幸無罪而村屯搶掠姑置不論也不知奴每一掠既得其糧又得其子女生畜是我盜保城之虛聲而奴得捆載之實利矣遼圍絕寒兼值兵荒雖村屯寥落人烟稀少然一中一木皆其皮毛未有皮毛俱盡而本根猶能獨存者今奴漸進漸逼所過之地荆棘生焉非若西虜條條去而居民傾巢盡失故業也倘從此一舉而累威寧一帶再舉而掠扇皮左右藩奉派注勢必不支而遼陽危矣此時即治臣等以不職之罪粉身碎骨

竟何益于成敗之數哉

國家建大將之旗鼓用一人即期得一人之川今遼左建
牙者濟濟徒擁名位竟不肯出死力以爲士卒先而報我
朝廷萬分之一真可爲痛哭流涕者也向猶藉口修工不
暇拒敵今經臣簡戎蒐乘專責之待戰矣即中多厓怯未
足盡堪衝鋒而精壯者猶然却後也是誰之過歟如此積
習日復一日恐不盡三韓而胥之夷不止也遠事至今破
壞極矣臣等豈敢過求速效且時值乏才拊髀干城又豈
敢不愛惜諸將但奴禍日剝月削業已及膚非得諸將同
心戮力大破積套率衆賈勇期以血戰必不能遏奴鋒而

以此教諸
已了破此
之勢始始
之局

阻其來也。即如年來奴破諸城堡，勢同拉朽，皆以在事諸臣望風先竄，未嘗一相抵耳。假令當時有如高道臣在，堅守不動，指麾如意，安至赤燐遍野，白骨成丘，數百里間無人烟至此極哉！昨回鄉，唐秀才曾言：奴之新寨，不過木槎亂石，造次苟完，非能如我之高城深池也者。奴之兵馬，即稱獷悍，數亦有限，亦非如我之如林如雨也者。總之，奴之人心一我之人心，分奴衆肯用命，我兵善逃躲，故因循藉釀，卒至不救耳。虜去漢人，在奴寨者，亦無不憤心扼腕曰：我

天朝有大兵幾十萬，何遇賊輒不向前？奴兵亦人耳，我不

自比彼更貪生若止坐守而不戰恐將來守亦不能矣往
失守大都若此則今日之高出可不特爲優叙以爲
折衝者之勸今日諸援將又可不嚴爲處分以爲退縮者
之戒耶經臣居常固已結之恩而惕以法近又同按臣率
文武諸將吏矢心誓師期于克濟乃諸將對 神明或亦
凜凜遇奴賊仍又惴惴非藉

皇上之赫濯施不測之威何以振久玩之人心而作方新
之敵氣哉 謹會同薊遼總督文球經畧遼東表應泰據
所聞當日之情形其實

上陳伏乞

三可憂

勅下兵部查議轉行監軍巡按御史嚴加覆核分別功罪
大示勸懲庶幾懲已往而勵將來可保殘疆千萬一矣
戶科趙時川言遼事有三可憂選練之無日調度之失宜
招撫之難測

時二十
七月

昭和殿災羣臣奏慰

兵科朱童蒙勘遼事竣據實回奏疏曰臣蒙

皇上簡命前往遼東會勘熊廷弼任內功罪

陛辭而出即星馳彼中還返三千餘里行住七十餘日逐
處親到逢人密訪備查卷宗實科士馬據以言官所參論
質以廷弼所辨白從公案實矢諸

天且其功罪之格固有次第謹一一爲

皇上陳之臣伏讀

勅諭曰某處被賊殺擄爲失事某處堵戰修守爲有功臣勘得廷弼自萬曆四十七年八月到任至泰昌元年十月內解任其間奴賊入犯四十八年五月十八日于花嶺等山城六月十二日于王大人屯等一十九屯八月二十一日于蒲河等處其被賊殺擄者共二十三處皆爲失事至于蒲河灰山豹冲斬級二百有奇所獲馬牛稱是雖不可以言功而亦以堵截用戰者也遼陽之城環匝二十里年久傾圯當開缺初陷遼陽之人束裝思徙者以城不足爲

憑也。廷弼緝其外。築其內。繞掘兩河。引水建閘。城之上下。密布火車火器。分兵防守。稽開集絕奸細。心思之巧。經營之周。有才人之所不能到者。至瀋陽奉集虎皮驛大小三城修工如是。守具亦復如是。此其修守之可言者也。

勅諭曰。某事爲從實奏聞。某事爲欺隱未報。臣勘得疆場之事。凡有查核。經臣憑監軍道之開報。監軍道憑府廳之開報。亦或有據塘報。即入疏中者。廷弼向來章奏。似亦從實而無欺隱。但其有報殺擄各口。間與撫臣所參稍有異同耳。

勅諭曰。城堡有無殘破。村屯有無搶掠。臣勘得瀋奉之外。

凡有村落因山爲居，塚石爲垣，故曰屯。曰寨，曰山城，其實民居不過一二家，三五家，而爲城堡者，止有蒲河一處耳。至花嶺山城、禿老婆山城、許毛子山城、四十戶屯、金剛屯、金得成屯、早生屯、李二金寨、李沙包屯、王大人屯、石廟兒屯、劉普屯、藍尖屯、白官人屯、劉三屯、頭目瓦溝子屯，終兮二屯、新屯、趙官人庄、沈寨、雙樹屯，皆其前後搶掠之村屯也。

勅諭曰：士民殺擄幾何，器械損失幾何，臣勘得三次入犯，殺擄屯民七百二十三名口，被傷十一名口，被擄脫回四名，擄去民馬五十四匹，牛一百二十一隻，驢十七頭，燒毀

房屋八十五間、豎窖二十九處、此殺擄之的數也、器械則失損盔甲等項一百三十四件、槍袍一十四領、

勅諭曰、兵馬折傷若干、現存若干、臣勘得前後陣失折官兵共五百八十七員名、被傷兵丁共三百零七名、陣失馬一千五百零六匹、現在支新餉主客官兵一十六萬三千二百四十二員名、寨馬六萬五千九百六十一匹、

勅諭曰、錢糧實用若干、虛冒若干、臣勘得自萬曆四十七年八月內起、至泰昌元年十月十五日止、存庫續收銀七百七十四萬二千九百五錢九分八釐、除收過銀九千九百七十五兩一錢三分、存庫銀七十四萬五千二百六十

六兩四錢六分其一應出入悉經餉司與糧官收支延弼
原不經手或有頂名虛冒乃各營將佐影占之弊亦嚴爲
查處而不之縱也臣謹叅勘得舊經畧熊廷弼者有揮霍
之雄才有沉毅之雅度極其全力固能擔人之所不能担
騁其偏鋒亦有忍人之所最不忍任事纔十餘月耳而遼
陽之頽之城如新喪膽之人復定至奉集瀋陽二空城今
且儼然重鎮矣幾何時而金湯鼎峙恃以無恐迄于今民
安于居賈安于市商旅紛紛于途而後之人因之以爲進
戰退守之地臣入遼陽官民士庶垂泣而思遮道而代之
嗚謂數萬生靈皆延弼一城之所留是精力悉經于此而

律論事
之準的也

心服

其得謫亦先于此也。唯是致辨殺擄一節，噭噭于有花名，無花名之說，以爭多寡，獨不思邊疆凡有殺擄，律令但論失事不計數目。當日廷弼所漏，雖未必如都中所傳爲萬爲千，而即其所報亦非的數。廷弼明知而敢自爲隱匿，是欺誑也。縱廷弼不知而爲人所蒙蔽，是誣賈也。廷弼必居一千此矣。惡得云無罪乎？臣愚則以爲廷弼尤有大罪焉。夫封疆之任，與諸臣不同。

尚方之授，金幣之錫，與委任諸臣亦不同。廷弼受

皇祖破格之遇，即指其頂踵誓以死報，尤不足荅萬分之

何其壯也。至則諸將被冲，不欲再戰，威之以殺，而亦不前。廷弼見官兵之怯弱如此，已料後事無可成，始灰心卸擔，故借微恙乞骸以歸耳。奴賊未滅，何以身為廷弼將置君恩于何地乎？忠臣必不如是。是則罪之大者也。然而廷弼之罪，又自其任性致之何也？廷弼性甚急切，而遠人素習怠緩，性不急，則工不完，工不完，則無可恃以守。况又非常之原，黎民駭焉。凡借磚于鄰居，採木于園林，移石于墳墓，似乎爭民施奪，其甚者督工修築，刻期責報，鄉紳青衿役無割免，又細打各弁，斥逐諸臣，能無騰謗聲乎？所以流言載道，形容過實。諸言官得之風聞，臚傳以入告，而陳于

君父也。然皆激于上爲國家慮。周疆土而以大義期廷弼耳。及至廷弼勝氣相加。屢䟽致辨。旣而一揭出。一揭應。愈出愈乖。終成罵詈。非所以待言官。亦非大臣所以自待也。揔之廷弼功在存遼。微勞雖有可紀。罪在負君大義。實所莫逃。此正

勅諭所謂罪浮于功者矣。臣會同督臣文球經臣表應泰撫臣薛國用按臣陳張從公按實謹具奏聞。伏乞皇上立賜剖斷。以結前局。庶功罪明而臣下知所勸懲矣。奉

聖旨、這遼事會勘已明、能延弼力保危城、功不可泯、因言
求去、奉旨回籍、情有可原、今中外多事、用人方急、該部仍
議及時起用、以爲勞臣任事者勸、

禮部奏言陵穴驚聞石底、

上命光祿少卿柳佐同各官看議回奏、

薦異才、

南昌貢士萬長生、擢稱江西瑞州府新昌縣逸民、全國
咸聞器傳之異、人試之縣府、且品度超邁、不願受職、其
義疏賊功、成本身而退、今將才技器具于左、
一、掌中勝算、其袖中之十、或主將出勝、偏將出勝、或利
則攻、不利則守、或勝負、或賊來不來、或多寡、或伏何方、
何地、至于天地陰陽、人間禍福、休咎、其占不差毫髮、
一、泥天陣、此陣排列八門、中央高築將臺、主將綸巾羽
扇、端坐臺上、進籌不用士卒、止用五人、手執五色

旗任敵人兵馬重圍不能擒我傷我倘使敵人入我寨也九死無一生也

一陰兵變陽于絕無人影之地而忽生軍兵岳立

一陽兵發陰于兵卒聚集之地而忽然絕無人影

一火城此守法也

不必深溝高壘盡地而陣敵人不能越我界限一入其界盡成灰燼一里之地止用十人十里百人百里千人

一五砲三十攻我中國所恃者火器而虜之輕視而攻乘其盡也蓋火器未盡則強既盡則怯此砲不用人力

發引攻打無休晝夜不絕此破虜之奇秘也

一渡坑飛車凡車之持重抵敵止畏其坑陷也此車有擇陷之法有渡坑之法即地中七八尺坑陷可飛而過

如履坦道

一堅甲此戰陣首一緊要事也虜之所恃以侮我者勁

力健疾身披重鎧而刀箭難入中國所恃以滅虜者火

器然火之發有時而盡而虜則強弓利矢乘盡而入百

發百傷蓋以我兵力弱難披重鎧身無所恃而屢戰屢

北也造此甲有玄妙處製度異常輕而便便而堅即空

拳一衝入敵陣刀箭不能傷也

一平地坑卒此陣以伏十里可坑卒十萬二十里可坑

千三上萬

一錦帳懸鈎此陣設立營帳以利誘敵一來奔營而走其入我營中之人俱身傷利刃有死而無生也

一練火牛練此牛一半可當百人一陷馬陣此陣臨敵之時各兵各帶陷具預伏地中一坦平地毫無形影如敵人馬一入其地一一繫其足而進退不能可活擒之

一輪地陣今之造車者多方不一有人藏于中而虜騎不能犯者必持重難前可守而不可戰有車輕而便利者止可衝前而左而右而後虜可乘空而來此車取其便兩入可抬上造火器晝夜不絕以攻敵陣上設水帳以防利矢鈎鎖連環掛成長蛇陣臨敵則分子母冲突敵陣于去則母顧母去則子顧任是萬軍之中如入無人之境而我兵片甲不損敵人可俱成灰燼也

一火帳此于山谷險阻之地難用車輪用此火帳人在帳內敵不能傷其內火器終日不絕如深入敵境非此不能也

一水底藏兵此陣雖在汪洋大海可潛而伏可飛而渡也

一美女設餌此計敵見美然而來忽然美女不見而敵

古來行兵
出奇無旁
勿以爲異
須有也即
當此以賊
見即報時
亦足以驚
之

可憐也。時此揭已投兵部。蒙發議方考試。并呈批。題是
在體試外。為此具揭。

御史賈繼春奉 旨回話奉

聖旨。這賈繼春回話揭中。無李選侍雉經皇八妹入井。此
二語出于何項。還着回將話來。

吏部等衙門公疏言。官悔罪無地。奉

聖旨。移官本末。卿等有公疏。科道有單疏。賈繼春都置之
不聞。乃以違忤。逼逐輕誣朕躬。且

皇考選侍王氏等四位。同日移宮。繼春不惜其他。獨捏造
李選侍雉經朕弟妹四位。并同日移宮。繼春何不重念朕
弟。獨注意皇八妹入井。顯受奸人買囑。誣陷朕躬。淆亂朝

改朕隱忍至今、未曾輕露、向使繼春若肯悔悟、引疾迴避、朕何得深究、今既昂然肆辯、朕須窮究到底、以質雉經、入井、真偽結此、移宮公案、卿等誼在體國、還當替朕分憂、豈可庇護小臣、以貽後日之慮、賈繼春着再回話、已有旨了、恤錄首請建儲、舊輔沈鯉遵例從優、

贈呂坤、刑部尚書、廕一子入監、

會議遼餉、

一、肅官鼓鑄制錢、

一、肅官督理屯種、

一、南都牧馬場地、

一、長江上下蘆洲、

一、東南半壁海田、

一、版裡衛所屯糧、

一南北戶工關廠

一省直房屋契稅

一督撫應節軍餉

一郡國應裁冗員

一州縣應汰民兵

一省直應請徭役

一南北諸司改折

一內外諸司積存

一省直倉穀糶銀

一省直閒地變價

一事例改輸本色

一加派分析各部

一海陸召買轉運

一省直催征起解

一內外盤核收支

一內外申嚴考課

此疏融特
諸奏而又
時出人意
外稱詳密
矣

三月丙子

御史侯恂上言、慨自逆奴發難、上下焦然、征兵索餉、日不暇給、內以清查望之外、而外之欺蒙如故、外以應援望之內、而內之延緩如故、汎汎悠悠、茫無定局、非奴困我、我自困耳、夫遼當摧破之餘、土地人民、喪折大半、殘局也、奴屢勝我、屢歸來、不能禦去、不能躡敗、局也、奴以宰賽故、顧瞻西虜、翹翔而不敢深入、我因得憑城設防、保茲塊土、又持局也、善奕者審于棄取、善兵者審于戰守、今能往而與奴爭乎、能如撫順之初議、漸逼扼奴之吭、而感其命乎、職固料其不能也、則惟有守之一局而已矣、繼自今無遽言犁

庭初穴無慢言師老財匱一意堅壁清野簡將蒐兵修戰具養戰氣以爲持久之計待夫奴惡已厭奴隙已開始徐起而圖之遼局其可結乎如是而言兵兵有見在十三萬焉足矣

請無徒求盈而求精即見在者實實挑選實實教訓擇智勇之將統領之聯絡布置互爲犄角奴馬強橫豈其遠能得志而適有脫伍仍川遼人漸募漸補轉客兵爲土著省安家行糧之費消苦戍思歸之變計莫善此而土兵邊兵家丁一切調遣可槩報罷也土兵得邊兵不可再抽而家丁非其主者不歸家也如是而言餉十三萬之兵以五百

萬之餉。餉之原自不少。況又加以

內帑之五十萬乎。太僕巡青之二十萬乎。客歲未完之二
百八十萬乎。截漕三十萬石。可當三十萬乎。鹽局淘河銀
兩更有四十萬乎。是皆實數。可佐新餉之不給者。但慮今
之征收。猶似昔之拖欠。請無徒責州縣而責司道。嚴其考
課。重其叅罰。俾督催屬邑。刻期起解。即冲疲災荒。力難追
完。亦以別項抵足。惟呼庚問癸之新餉。斷令絲毫無虧。而
又覈實用之。二三年間。當可支持。會議之舉。第當議屯田。
議鑄錢。議鹽策。與夫十庫之改折。各工之侵欺。光祿緹騎
之虛蠹。作何修舉。作何厘剔。以濟不涸之源。塞濫觴之竇。

而搜括那借事例一切議條可槩報罷也。搜括那借多煩爭執而事例收息于官償債于民也。此兵餉之定著不煩再商者也。而最急則無如輓運矣。最要則無如器械矣。遼左本色絕少軍多枵腹故運法最急而索車至一萬八千輓用推車之卒至四萬七千人則決不可。何者內地買牛買騾騷擾已極再加驅迫人心必至動搖。蕭牆禍起所不忍言。且千里重繭不堪費恐伏爲牛騾之續也。幸經臣無訐計部之商量從長設處或用抽軍或用汰兵主定撥運之法。夫東南之粟駕舟于淮揚啣尾于天津順洋以達葢州而去遼瀋不遠矣。通算一人之力一日之程最少任担

五斗最近任往返六十里，通轉遞接得三萬人，而累累之料糧固不脛而馳也。安在撥運之不可行乎？淮海若鼓浪之候，運道險惡，可就天津糴于商，令其自敗自鬻，利之所在，皆爲貴諸遼陽谷價騰踊，商無不爭赴者。重價收糴，自可濟用，正不須車運耳。器械不精，以卒予敵，今外解者盡屬濫惡，厥造者又屬虛糜，真欲張拳耶？合精選廉幹司官，曉暢法制者，一如經臣疏。

請久任以董其事，而巡視之職日省月試，實行舉劾。若然，則工費自省，器械自精。一有請發，隨呼隨應，此兵餉之亟需也。而最重則無如練營兵矣，最便無如折班軍矣。京營

之不可問者曰影射也。侵佔也。影射侵佔之不可問者。鼓譟之不可問者。曰糧薄而人羈也。有法于此。先別祖軍之虛名。使在冊者真有年貌。真有保結。按藉可呼。而后行分練之法。分其所習之藝。分其所隸之將。分其所駐之地。隊以千人爲率。同日開操。以查點爲簡閱。而竄冒者無所容矣。而老弱者無所涸矣。然後從容沙汰。汰一千十。汰十于百。安其心。散其黨。而汰者可無譁也。月糧一石。軍餼太薄。定當加厚。以塞譟者之口。而四盡三空。無從措辦。合無姑酌雙根。養選鋒。即舉所汰之精。并給于所留者。豪鷙之心已收。而汰者益可無譁也。漸汰漸精。虎旅其改觀乎。所深

慮者百年盤據之窟一旦振刷不能無詢不能無怨必須慷慨担当實心任事之文臣始可資其整理必須韜畧熱威名素著之武臣始可藉其督率欲飭營務不可不首議耳班軍之設以擁護神京

祖宗兵制良有深意而承平沿習積敝已久上班上班祇存其名而無其實如職鄉歸德春秋班軍三千三百餘人赴京者十之一耳奸棍撈攬貪弁包占牢不復破收軍放糧但須數文顧覓之錢而事已畢矣國家亦何愛于烏有而任其漁蠹爲故曰折之便折一軍之屯地可得三兩折一軍之大糧可得八錢折一軍之日糧可得三錢是一

軍可得四兩有奇一衛二千餘軍可得萬兩有奇以一衛例各衛以秋班例春班約各都司之所領凡數萬人可得數十餘萬矣不費推筭不費鑄別而多得數十餘萬不足爲持籌之一助乎如慮堂與空虛倉卒有警防守無人我見顏敵之衛卒能堪荷戈縱使赴京亦象人耳今後確宜盡折便以折解錢糧貯充召軍練兵之費此又兵餉之長計也

督餉御史倪應春上條議一曰起解本折之有稽遲督餉必先安民安民無如察吏夫司農不得已每畝新增九厘就其中量地利之肥磽天時之豐歉原額之輕重而斟酌

布之俾合各州縣原派之數酌派一定。大書曉諭以便完納。此誠良法。至司道以下俱係親民之官。因心洒潤。觸手成霖。况新派之煩征。尤賢者苦心調劑之日。藩司如付建河南以存畱。而濟甯。置州縣如海州。密云。華亭。長清。以樽節而抵加派。上不廢法。下不病民。皆諸臣分所當爲。亦力所能爲者。一日轉運舟車之有延緩。夫遼餉歲用折色三百六十萬。本色二百餘萬。折色絲毫皆有實在之用。若本色一石。海運凡以二鍾致之矣。舟車脚價之費。非七百餘萬不可。國初以天下全力海運七十萬。茲以山東天津二處之力而運二百餘萬。其能辦乎。登萊明習運事。去年

運發六十萬餘遼人藉以無恐天津惟恃遼臣賈之鳳今
且以病告矣未經兩院題請法難徑去業經加卹旌勞誼
無可去計必爲運務而留第天津省直協助舡隻最急此
日風和水系舟行若履平地倘呼之不應候至秋深駭浪
驚颺實多不測依沙沿泊島必至后期萬竈不黔三軍立
稿諸臣能免慢事之罪乎夫陸運原議值僱至遼陽矣而
又責運藩奉以爲長運逼近虜穴未免風鶴耳況人情短
運易于弛担無不樂往長運疲于奔病動有趑趄須以短
僱便番之說行之遼陽以西庶人心安而招募可行遼陽
以東必以汰軍供運實爲兩便蓋套去內地甚遠驅畿民

遠涉勢必不能運費部臣任之運夫經臣任之有兼濟而無偏累矣京邊改本東究既稱七難則截山東漕以補運加新餉買米以補漕于餉有賴而于漕無損豈非兩利之計乎。一日支銷錢糧之有涸涸自軍興以來部發銀一千一百一十八萬七千六百四十有奇幾經清查曾未一報聞之蓋套米穀委積者任浥爛盜竊此斷斷乎不可不清者經臣宜集文武各道將取諸兵名冊叅伍之舊兵若干新兵若干工匠若干馬匹牛騾若干細加簡閱嚴爲訓練列爲等第兵數既核然后以實達部部臣照兵科餉經臣計口授餐而又責成于監軍各道日逐清理月例之扣除

有禁家丁之冒支有禁逃亡之影射有禁料豆之侵減有
禁升斗之參差有禁各道任勞任怨與餉司細心磨算撥
季冊報關以內各司道政凡糴本腳價舟車催船造槍工
水手援兵防兵月糧等項種種支放名色涸涸稽數季報
以憑歲終查核一併奏聞庶幾鼠雀無所因緣爲奸而
運去之一絲一粒皆有着落矣

吏科倪思輝敬陳修省實政一請下恤民之詔一請下求
言之詔

兵科蕭基劾聞臣姚宗文疏曰夫閭閻視之役原以備戎未
有不能備而反以啓戎者欸恤之舉原以弭降未有不能

弭而反以開隙者。爭獻納者。嚴一事。陳五利者。萬餘。可不
慎乎。值此奴氛未靖之時。何堪西房叩關要挾之擾。蜂屯
蠆場。將無寧日。則作俑者。閹臣宗文之罪。罄竹不足數也。
臣每見虎酋等。備極驚驚。煖光紗花等。紛求新賞。督臣疏
報。皆歸于王猷之妄許。臣之兩疏。恨不得食猷之肉而啗
宗文。輕信之辜。然猶曰。或識不足耳。見宗文一揭。灑灑數
百言。欲蓋彌彰。始知猷之矯命。宗文故縱而教之者也。諸
夷之蠢動。宗文明知而開之者也。不暇爲猷裂眦而先爲
宗文豎髮。請平心折之。夫金白沒于奴鋒。而席捲之勢。幾
同破竹。當事者。議恤後之策。爲羈縻之術。恐西夷觀衆而

動假此束之亦計無復之耳聞臣卿

命以出高下在心力能制酋之命信能孚酋之心則爲之不則已之擇其堪任之人按其宜發之地則爲之不則已之宗文素稱能者不于此時酌古準今瞻前顧後可冥冥決事耶且王猷以市井無賴不堪遠遣問督臣文球與經畧袁應泰原任兵備時所力止也宗文獨昵之者何心實宜發于邊地不宜發于薊門又督臣文球與巡撫周永春所力爭也宗文橫執之者何心切語宗文此舉失策者三其目罪者五夫遺金入遼捐金資遼虜不過以金台什二孫女爲虎墩兔愁之妻一爲腦毛大之孫妻藉此以結其

意代其交云耳。不思虎酋亦與奴媾婚，不有爲其女婚者乎？且今懸百方之格，分土之約，尚不能激諸夷東援，與奴爲難，而區區四千兩餉之猶黃葉止啼，操豚祈歲，彼何常任惠我先示以弱，失策一也。犬羊之性不恒，豺狼之欲無厭，養虎養鷹，非明論乎？宗文亦自爲一針一線，必執以爲例矣。王猷之妄許，旣道其逐逐之念，黑字之領券，不足塞耽耽之求。此動曰祭旗上馬，某處分搶，彼動曰東合東夷而西合西夷，捐之何杜，日後違之何緩？目前洶洶之勢，旦暮必潰，而宗文乃語三萬之藏，足厭羣狼之腹，待十數之後，方爲鞭笞之舉，將誰欺乎？切恐五營之衆，伯要子之悍。

梗兔巴陵之獫狝花謠子之詐一動百動愈構愈危始以
愚虜反以虜愚而智出婦人女子下也失策二也當時永
不爲例之盟虎背背之如反掌矣三千人入貢之說孰則
創議非猷也耶夫桃林口何地也咫尺神京逼近

諸陵王猷從此路出虜謀從此路入即今薊門空虛已甚
東協空虛又甚開門揖盜未可支也賴督臣東行縱操衛
之誓爲開閉之絕而夾情叵測來日甚長終是借經之術
虎穴未填狼門伏闕失策三也以此失策奚追罪狀斥
國一也不聞繫留我通使張爾觀四人幾悼異域之魂裂
碎我半棒黃把都兒等大肆設誓之侮乎遺患二也不捧

檢崖之怨毫末消釋而先以成賂之吞恰榜什等之計全無照管而滋以動封豕之蹄乎樹群敵三也不問無乞兔亥之兄弟之殘每肆搶掠于郊原滿旦母子卜素叔侄之構名爲垂涎于飽吃乎比匪人四也不問王猷飽囊而歸投揭謁樞府爲營進之謀事敗而遁尤悄悄往來通灣舟中爲遁藏之屈乎貪賄賂五也不問猷利虜之利宗文利猷之利參貂盈囊行李百輶之運私爲幽係傾折曲房之棟爲主人有言耳目共睹者乎以四千兩行五餌之術而投載來嶧以至今日而愈難收拾以王猷代三巴之檄而拘薪止沸于將來而更莫底止宗文悞國若此猶自言曰

國憂時之意，昧心甚矣。嗟嗟！臣更有感于宗文之狡也，其揭旌出關布。

一人之威德，以簡將蒐軍，實未能也。搖唇鼓舌，共事冰炭，遂使熊廷弼一日不能安其位，今勛者報。

命廷弼之才之功，萬不能沒矣。然則妨賢嫉能，無出文上者，迨其擁橐入關，自負豪舉，以爲仰答。

明旨止此卹賞一事，而狡弁之詭，金繒之要，歲復一歲矣。然則胎禍挑釁，亦無出文上矣。異哉宗文鬼魅伎倆，瞿塘一波，躡取太常，則以閭視爲催官之媒，藥籠無物，則以王爲奇貨之居，視國事爲兒戲，委。

君命于草莽同事者畏其克威不敢直言只得彌縫了塞
拖一種啞口吞蘂之情而功罪之案公論難掩今延邊諸
虜合縱不受戎索日尋狙獺使西陲爲殘遼之續宗文之
罪在楊鎬下耶當此處處危動之日急宜嚴勘宗文贓罪
正法使蠻貊凜然知中國尚有法紀不至爲奸人手障
着落宗文名下討出王猷斬于講賞之地以誅諸夷之口
庶反側有儆官守知勵矣至其生平隱橫險躋之狀人人
切齒掛憚文者臣不暇縷悉在兵言兵誼難隱默即觸舊
尾所弗避也臣草疏方畢見林口守備焦慶延塘報虎酋
聚衆四萬餘不日內犯搶東西不勝愕異如果冲入內地

舊衙門武庫庫將縣之會何以堪之則首禍者其容未哉
吏科朱欽相奏為天做日至民生口感仰乞

聖明申飭吏治復懲貪旌廉之舊典以舉循省實政章下

所司

先臣王廷相有言曰大臣貪濁而在高位小臣效之無
不惟利是圖言官貪濁而安出處無恙則外官鼓動無
不惟利是圖可謂知本之論

海州吳金祖叛

按金祖的名劉光先為名吳金祖又名吳太真以斤逐
么升鼓扇無知乘南留空虛盜名逞亂焚屋殺人切屯
攻堡議者皆以海運入自蓋劉陸運起自海州咽喉要
害除道臣請還援兵各將星馳海防守一面勦殺渠
魁一面招安脅從有能擒獻者賞格升賞既
當紀賊奔奴之路又當防奴乘變之攻宜要著也

浙江巡按彭鵬化上言首藩人才最多解額宜加乞添三名滿足百人以光文治章下所司

海州賊平

時鎮守李光榮與賓麻二副帥黃參將張同知會議既定于二十七日分營圍山二十八日四面齊進至二十九日李鎮守在南谷口正分派間而北谷口忽報賊出坐營童鍾秀迎擊破賊砍傷衆皆却走賊追趕過河游擊高中選參將胡國臣復回迎戰國臣中傷大衆潰殺李鎮守聞急親率參將黃瑄帶領兵丁合戰中今但退者即斬于是本鎮內丁守備等官吳登雲等十餘員領兵奮進不避矢石一擁上山統砲齊打賊不能走遂奔回寨大兵遂入寨內賓承武麻宣王化溥等又從南谷口進遂焚其頂而賊平矣大勢約五百餘人創首級首十之二三騰山拔水者十之七八吳天與羅守忠俱歿兵中

廖子駱從字克日講官

少詹事孟時芳升禮部左侍郎教習庶吉士

南太僕卿于仕廉循例題薦治行優異知府沈萃禎知州

黃廷金知縣葉成章等三十餘人

按本寺原額馬價二十三萬七千六百兩有奇兵部題准年終通將所屬府州縣備查完欠知府以下能依期完解數多治行卓異者應其分別薦舉否者參處

巡按御史左光斗具揭

故事有司題荐大約爲俸淺甲科而設後因人數頗多不便點綴遂格不行勢不得不入之揭薦而鄉貢愈受其窮矣此後似當仍有題薦但註定俸必須半年數不得過廿度幾此不爭于有餘彼不苦于不足亦平人情振史治之一

以陳大綬爲尚寶少卿

御史周邦基奏議用人宜慎其初用言宜核其實
兵部奏請軫念陣亡諸臣奉

聖旨是遼左覆軍陷城文武將士捐軀殞事義烈可嘉這
陣亡官兵人才屢奉皇恩慰諭超行褒卹既經叙奏宜需
渥恩劉挺以原官左都督贈少保王宣贈少保升左都督
各襲升三級仍廕一子本衛指揮僉事世襲賜謚立祠加
祭塋塋杜松贈少保左都督襲升三級仍廕一子本衛正
千戶世襲立祠加祭塋葬趙夢麟馬林各伏原職贈二級
襲升二級從祠附祭潘宗賢贈光祿寺卿廕一子錦衣衛
百戶世襲賜謚立祠附祭董爾礪張文炳俱贈按察司僉

事廕一子入監讀書從祠附祭江萬化麻巖俱贈都督同知襲三級黃越于守志各伏原職贈一級襲升一級李等二十員俱贈都督僉事襲升二級喬一騏贈都督僉事襲升四級與本衛實授百戶世襲俱從祠附祭鄒儲賢等三百九十二員各照本職上贈二級襲升二級馬時楠復原職贈二級張奇策等三員各照本職上量贈一級何懋官等四十三員各襲升一級萬邦寧等四十九員各量升一級朝鮮將官金應河等八十一員移文破格從厚贈錄其軍兵丁夷俱照數行各鎮優卹祭榮以慰幽魂

遼東巡按張銓飛騎奏曰奴賊載鈎梯傾巢而來于十一

三川清陽
縣志

編批

日夜半度渾河深入十二日攻犯瀋陽十三日已被賊
寇陷矣先是臣于初三日巡視瀋陽見其壕塹重環火車
密布惟城垣三面毀壞板堞倒塌而城中降夾充塞俱有
奸細藏伏爲賊內應臣切憂之詳囑諸將謂賊若臨城降
夾當盡發城外若其來攻必俟百步內始發火炮而城上
亦以鎗砲助擊賊必不能得志乃諸將皆謂城難憑獨濠
可恃意但主專力于外臣深已不然臨行于途中復再三
囑付不意其臨時錯悞乃爾也聞城破後總兵賀世賢尤
世功從西門出存亡未卜其餘走散將卒尚無一人至者
不得攻克之詳傳聞有云賊連攻數次不得入後從東北

面以新土填塹遂登城者有云連發砲熱裝藥即噴賊乃蜂擁過濠者有云賊急攻東門城外吶喊內應之開門而人者摠之城已陷矣陷之情景且可徐查遼陽所恃爲藩蔽者全在瀋奉二城而瀋陽東捍夾西障虜較之奉集更重今瀋陽既陷則奉集已失犄角之勢彈丸孤堡何以自存而賊從瀋陽直走遼陽百餘里中無險阻可抵遼之戰將勁兵半萃于瀋奉半分應援兩副將見今遼城兵不滿萬皆真保山東之兵身無介冑器不精利以守二十餘里之城分城布列且難況于捍敵臣已與經畧議急撤川浙土兵遼陽城守而以朱萬良姜弼之兵駐虎皮驛爲奉集

聲援但恐士卒有風鶴之驚聞風而潰武清營已報步卒
逃矣且我所恃以勝賊者獨有火器今賊克瀋陽無數鎗
砲火藥皆入其手則我之長技已與賊共之萬一用以攻
城更可憂也誓與經畧諸道竭力固守保北危城而臣已

○妙○

先與經畧密令侯世祿搗賊之巢若使得入賊必狼狽而

通真、楊、張

歸然尚未敢必也大約將士畏奴如虎心膽俱裂無一敢
戰者即如朱萬良姜弼統兵幾二萬專使之往來應援而
扎營于渾河之南去瀋陽十餘里一步不敢前川浙土兵
亦三萬餘亦結營自固坐致瀋陽淪沒亦可痛恨矣除臣
查明另疏題叅外先將危急情形馳奏伏乞

皇上軫念危疆關係社稷亟下廷臣會議殄禦長策仍勅兵部速催達奇勲等出關及調發各邊家丁星速來遼以應急需臣等不勝激切待命之至

兵部衙門接出

聖諭朕見近日風霾時作日光晝晦朕心深切警惕昨日覽遼東巡按御史張銓塘報奴賊攻陷瀋陽遼城萬分危急該鎮各地方文武各官職任封疆全無備禦疎防怠玩應援各將擁兵結營自固坐視陷城威令何在姑都着策勵任事兵部便馬上差人傳與經督撫按各官作速挑選

精銳兵馬各陳方畧相機拒堵務保萬全如有仍前坐視的即以軍法從事河西并關內各路守禦應援事宜一體申飭邇來小臣議論煩多無裨實用大臣止畏譏彈不任勞怨紛紛杜門成何國體輔臣一燦尚書李汝華都着即出視事無介浮言

聖諭適覽遼左巡按奏報瀋陽已被東夷攻克奉集旣孤遼鎮益危目前防禦應急良策着廷臣作速會議具奏一面行文經督撫按各官集兵防守聲援牽制一切事宜相機從事戎政尚書併兵部添設侍郎作速催來到任餉務方急尚書李汝華即出料理不得藉口侍郎毋致推諉誤

事工部買辦硝黃陸續運解無誤急需封疆事急大小臣工同心體國各抒籌畧共濟時艱故論

御史江秉謙驚聞遼陽垂危敬陳備禦之策曰今奴賊攻陷瀋陽指臂斷爲兩截而奉之岌岌可知瀋奉潰而賊直中于遼之胸背環遼之岌岌又可知事勢至此誰職其咎因痛念曩時楊鎬失律喪師開鐵淪沒境無堅城人無固志當日情形之危急誠有百倍于此時者乃能延綿受命田間倉皇赴召四方之征調未集士卒之膽落未定甲馬器械無一可恃而延躬出萬死不顧一生單騎從數千弱卒出關猶復收拾餘燼城守經年令奴賊終不能得

其可大可
嘆

志如今之踰人者。何前此垂危之遼城賊反。不知其所攻。
今此堅備之瀋鎮。我反失其所守。則廷弼之才識胆畧。有
大過人者矣。使廷弼得安其位而展其雄抱。定不致敗壞。
若此。然前論廷弼者。猶曰風聞不失爲存遼過計。至今勘
核已明。而復以橫撻之私意見。抹殺天下之公是非。逞紙
上雌黃。茂國家之利害。寧壞朝廷之封疆。必不肯釋
胸中之畛域。寧甘心以遼陽與奴賊。必不肯平氣以議論
寬勞臣今日之事。何不持一疏以退虜耶。雖然。退之已無
及矣。爲今之計。瀋旣已陷。奉不可知。遼陽斗絕孤城。不可
不厚集聲勢。而賀世賢尤世功二將之卒。未知存亡光榮。

議邊防
兵將

議保山海

議防神京

部下之兵或留自固此時提兵往援將果誰屬兵果誰統
蒐卒補乘軍中或有妙算而事危勢迫廷議不可不亟講
者也山海雖爲三韓阨塞但遼陽保則戰在千里之外不
保則戰在百里之內經臣久熟邊情諒有勝算而地袤難
以遍守戰卒能有幾何則宿重兵而防不測又廷議不可
不亟講者也神京爲根本重地雖奴賊得志于遼諒不能
即長驅入犯但訛傳則風鶴皆驚窺釁或寇盜竊發何以
鎮人心使無動搖何以杜奸究使無意外又廷議不可不
亟講者也語云亡羊補牢見兔顧犬猶今日未晚之着而
燕巢飛幕魚浙沸鼎此豈諸臣漫言泄泄之時哉

聖旨這本說能延弼才識膽畧過人有保守危遠之功郭
鞏昨說他是罪有無私意着大小九卿科道官作速從公
會議具奏

遼東巡按張銓奏請恤忠魂治懦帥疏曰遼陽圍急陳策
童仲揆二將尚在遲疑裨將周敦吉欲直前薄賊謂與潘

正軍

人人以此
為金軍濟
興

陽兵內外夾擊可以成功即士卒亦踴躍爭先阻之不聽
及知潘陽一陷諸將益憤激曰我輩不能殺賊救潘在此
三年何為石柱司秦邦屏遂先率兵渡河諸營繼進止留
浙兵三千餘名大將與戚金張明世在河南扎營兵既渡
河營陣未就而虜以鐵騎四面撲攻諸將奮勇撕殺斬賊

落馬者三千人。賊據而德前。姪是者王。後虜益衆。諸軍
饑疲不支。遂被衝殺。吳文傑周敦吉秦邦屏皆戰歿。周世
祿從西北殺出。不知去向。鄧起龍袁見龍奪橋南奔。走入
浙營。賊追及。圍之數重。初用火器擊打。賊歿者甚衆。後火
器已盡。復接戰良久。乃敗。而大將裨將一時沒矣。當川兵
渡河時。朱萬良姜弼之兵去渾河不過數里。觀望不敢遽
動。及賊圍浙兵。兩將方領兵而前。一與賊遇。即披靡不支。
軍四分散。而賊乃得專攻浙營。臣初疑南兵難用。後北巡
經過其營。按轡徐觀。見其部伍整齊。器械完備。諸裨將周
敦吉等皆慷慨激烈。願一當以報朝廷。臣甚壯之。私與

諸臣議謂以此步卒翼領騎兵盡我全方扼賊咽喉可使

不得出穴而後版築之役可興乃今已矣其亡歸殘卒有

痛絕

以首功來獻者臣即時照例給賞乃痛哭階前願不領賞

但願為主復讐臣亦為涕泣不已此亦見諸將之得士心

而士卒果有忠勇之氣也使將士皆若此何憂逆奴哉自

奴狂逞以來敗衄接踵從未聞血戰一場今諸將以萬餘

當虜數萬殺數千人雖衆寡不敵力屈而歿其烈烈英氣

庶多為厲鬼以殺賊足以愧偷生巾幗之輩此不待復勘

亟宜從優褒錄以鼓士氣者也先諸將當未戰沒時曾

具呈于臣求調川土兵五萬願獨以步軍滅奴臣以爲未

具呈于臣求調川土兵五萬願獨以步軍滅奴臣以爲未

具呈于臣求調川土兵五萬願獨以步軍滅奴臣以爲未

可再調寢之令川浙土兵守營及賤陣退回約尚有萬餘
人可成一軍然已是中下之駟勢既孤單又無將領統之
誰爲督厲則川兵之調是不容已雖遠汲不救近渴然今
大勢已失用兵方始則此着不可緩也若朱萬良姜彌畏
奴如虎臨敵趙趙胡馬一嘶曳兵相踵雖兵止萬計衆寡
強弱之勢自不相當然既不能解瀋陽之圍又不能救南
兵之覆則將焉用彼相哉按法而行自當治以逗遛之罪
姑念其兵卑士疲不能抗強敵之鋒且遼之戰將成亡畧
盡用人之際暫寬使過之條所當削職令立功自贖者也
再照經畧袁忠公爲國竭力籌邊歟生既已早忘利害詎

能逆視但既任疆場之重寄宜效安懷之定謀而一月之間失堅城覆裨帥殺名將歿者暴骨于原野生者逃竄于四方使遼陽有累卵之危士民有切膚膽烏之懼則有不待辭其責者蓋平日手口拮据亦多綢繆牖戶之計而臨事耳目隔絕未見發縱指使之功日月恐不相假桑榆猶或可收此在

皇上酌衆論而獨斷之也賊尚盤據瀋陽遼陽以北居民逃徙一空烽火斷絕胡騎充斥已撤奉集成寧之兵并力守遼而敗卒亦稍漸集粗可布置但遼城二十餘里城守甚難當時人情惶惑爭思南徙臣以爲舉足則遼非一國

家之有恐不能以丸泥封山海。但當竭力固守。師此危疆。與經臣諸道臣登陴環塹。預戰守之具。安撫城中。率厲將士。人心稍寧。惟恐賊出別計。深有可虞。此時宜使撫臣薛國用帶河西之兵移駐海州。督臣文球帶山西之兵移駐廣寧。以張應援之勢。救貼危之急。而山東水兵從海道直抵蓋州。通州團練民兵速遣出關。更發內帑數百萬以佐軍需。臣身在焚溺中。情勢迫切。語多不倫。伏乞

皇上留神。此關係安危不止三韓已也。奏

聖旨覽奏。川浙兵將戰沒。奉集各兵撤回遼陽。勢益危急。該鎮文武各官協力守禦。撫定人心。務保無虞。傳奉川浙

督撫移駐

水兵開道
正兵出關
急於內務

諸將血戰捐軀不必待勸着即加褒錄各將一體優卹守
營并收集各兵立營團練俟另調水土將官統領朱萬良
等臨陣退縮着先革去職銜戴罪立功袁應泰矢心殫力
調度不前仍着策勵任事山海海蓋各緊要地方集兵設
防其督撫移駐事宜該部一并作速議奏

科臣蕭基論列人才品題有三法衡其言而肝胆見衡其
人而才品彰衡其時而物情平銓次亦有三法優老勸忠
在加銜提携拔擢在超級安頓洗滌在本等

起鮑應鰲祠祭郎中劉宗周儀制主事高攀龍光祿寺丞

方震孺言應鰲于

孝請皇太后寢園一事費盡苦心卒能委曲調停勉成

大禮堂

皇祖之隱憂

一先帝之沉痛此其作用有大過人者至于劉宗周明知其清華將及却不肯隱忍數日而必欲發憤其本心此其意何求也哉十載林居至衣食斷絕而眉頭無終賊時此等男子可於肥肉大酒中求之乎萬一用不及時位不配望書之史冊主爵者之羞也高攀龍當太倉笑于之時有恤才遠倭之疏一身許國九死投荒里居且二十年絕口不言朝事人稱其潔靜中廊大寬博中精嚴直欲遠比周程近追羅薛此亦今世之祥麟威鳳矣兵部奏言遼陽存亡未卜河西救援宜周奉

聖旨遼左望援甚亟先遣兵將及昌鎮挑選兵俱着侍郎張經世催督星夜出關策應京營事務暫着戶部侍郎臧爾勸管理宣鎮等五處領兵移駐聲援該部知道卿等仍悉心籌畫務保萬全

二
日
遼

遼陽陷內閣揭報奉

聖旨覽奏知遼陽失陷旬日而克兩堅城未聞拒堵片時
該鎮各官平日撫馭乖方人不用命深可痛恨卿可傳示
總督文球巡撫薛國用用心料理倡率忠義死守危疆以
安內地其遣侍郎巡閱催兵知道了防禦京城事宜作速
着實舉行

奴酋於十九日至四里舖經畧袁應泰即督催總兵侯
世駿李秉誠梁仲姜弼朱萬良泰得聞該鎮各官平日
經臣與按臣張銓登城指揮兵將經臣親自出試督率
世臣留守兩軍相當互有勝負經臣夜宿營中不入武
二十日相持二十一日賊衆擁砲車過河在東山舖一
大營官兵陣于東城外相對發放火器官兵不支賊遂
以步兵攻小西門經臣急退入城與按臣東西分守
守又出各監軍催督各將領合力救援監軍牛維曜從

小南門突圍被賊砍射落水扶傷而走有馬達賊攻東門兩處夾攻火器幾窮殆不可爲經臣按臣與分守道何廷魁三人在東樓共欲慷慨赴難經臣曰泰不允撤尚方寵靈固誓以身許按臣無圖外責尚可收拾餘強爲退守河西計泰歿且不朽聞各門爭攻益急三人復分城戍守至酉時小西門火起夷賊先登遂有內應開門以延之者城內大亂經臣知勢不可救登樓引刀自裁按臣罵賊不屈歿之守道何視其二女二妾投井而後從之監軍崔儒秀自縊于都司堂上之數臣者可謂從容就義者矣比曉賊酋始入出示安撫百姓令二叛將收集西兵許以月餉三兩人皆剃頭隨順當是時諸將統兵在外見城中火起知已陷矣遂四潰各監軍因而西奔三岔南至海土而賊且四出擄掠冒鋒矢扳崖躡壁幾日望屋無烟擄萬歿而出一生也二十三日奴下令括民衣富室得留九件中人五件下人三件又於東放場聚貨物分散西虜二十五日驅漢人赴北城屯民歸村堡夷人乘機劫奪大半裸體婦女辱不堪多逃去者漆三衛掌印官共八衛分投莽民造其七日先令西兵出隸藩陽二萬餘人至二十八其商賈歿者四五萬人又藉東人之家但有五人

故事向不
處志皆然
人人皆然
忠義性成
罕以地限

拓原案係

兵部接出

名三人出二名、隨營給配賀世、賀妻子二十九日復殺
遼人之狀、貌可疑者、一頭目坐于西門、點而殺之、有一
生員父子六人、知必死、因持刀與衆砍殺頭目、連殺三
四人、其諸子持挺共擊殺二十餘人、夷倉皇無計、百姓
乘亂走出、五六百人、結隊南行、夷不敢追、奴復命其子
領衆操標探河淺深、又遣叛將金玉河領千人、南至海
洲、傳諭歸順、而人民已先剃頭待矣、獨東山獍
兵與南衛堅不受命、有剃頭至者、羣擊殺之

聖諭、國家文武並用、頃承平日久、視武弁不啻奴隸、致令
豪傑解體、志士灰心、今邊疆多故、東夷海食、大風猛士深
軫朕懷、卿部便張掛榜文、通行天下、凡山林草澤之間、有
素懷忠義、夙抱韜鈴、膂力過人、猿臂善射、可效一旅之用
者、在京赴兵部報名、在外赴撫按衙門驗實、津送來京、朕

兩朝御制卷之六
皆不次擢用卿再查祖宗舊制文武各有職掌互相彈壓
不得仍前牽制庶展豪傑之用布告天下使明知朕意特
諭奏發帑銀一百萬兩給付兵部等部以佐急需務期實
用不得仍前冒破其用過銀兩仍開註具奏
吏部都察院接出

聖諭朕惟朝廷設官各有職業豈容曠廢棲遲家園成何
團體朕冲齡嗣位方期大小臣工靖共修職而因循若此
豈朕委任責成之意爾部便查升補未任官員照水程勒
限催他到任有違限的照會典例查叅有官品未崇例不
疏辭的通政司不得代爲封進本章致滋瀆擾其兵部左

侍郎張鶴鳴代歸已久奉溫綸止知畏避人言不顧君臣
大義兵部左侍郎熊廷弼功著存遼朕已洞鑒朝議僉同
特茲起用方今奴酋游食狂逞忠臣義士豈無枕戈擊楫
之思爾部便馬上差官齎勅前諭本官仍着彼處地方官
敦趣即日就道如不顧君命堅臥託辭國有憲章朕不敢
貸併升任尚書許弘綱侍郎王在晉祁伯裕奉
命已久都着催促前來任事不得仍前延緩故諭
大學士韓爌揭帖奉

聖旨卿復聞

皇考慶陵忠勤周慎仍於原處獲有吉土天意人謀叶卜

慰朕孝思嘉悅不已營造規模已定着上緊興工該衙門知道

欽限各官到京水程張鶴鳴四十日祁伯裕二十日熊廷弼五十日王在晉已就道令其疾馳任事

添設職方司主事二員范鈞耿如杞

倪斯蕙太常少卿徐時進南光祿少卿王宗基尚寶少卿王之寀刑部浙江司主事○贈王湛初太僕少卿

四月丁丑朔享

太廟

以李宗延爲右僉都御史協理京營戎政

監軍王仁貞致揭各衙門

揭稱賊剋遼陽自河以東望風歸附惟礮兵南衛不從
奴欲除心腹之患然後爲進取計若此時有兵三萬住
河上奴必不來所慮者邊外河淺可奉裳而過然巴兔
抄花適當其冲我能啗以利虜與我合奴何敢越境而
至此時奴虜已有瑕隙因昨奴取遼陽所分者少因相
爭殺如前日宰賽故事正可間也若奴悟而使虜屬厭
必無幸矣此時須出兵三萬可以暫救目前無奈出關者
托故不進奉命者出關無期其意爲遼旦夕必亡遲行
可免于于是干城之將不及東山之礦夫爪牙之選不如
遼海之懦士朝廷儲將養兵亦安用之眞可爲痛哭流
涕也急出兵遼可不亡利害安危間不容髮而無奈被
髮冠纓之無人萬一奴內患盡除掩我不備何以應之

四語足完

真正金瓶
無缺之天
下東辭推
變離為囑
皆不獨疑
更焉心

至本職一身性來于七百之危邊當人情洶洶之時左
顧右盼手口拮据幾不知有晝夜此時亦不覺有病但
心內如火舌上出烟業已將身許國復何所惜但恐一
旦力盡而死則無復有以樂瞻瞻者可念也則就近速
添道臣知無俟職言之卑矣至廟堂之上宜急于應達
緩于慮家鏡于力行寬於持論庶為得之聞有紛紛送
家眷南還者搖動人心大為不便即職之家眷尚在關
外何關內之大早計耶職封疆之臣職在封疆何敢多
言但因廟堂多走書見詢者以冗中不及遍答故揭以
告之謹揭

雲南道張新詔上固根本以安人心疏曰臣於本月二十
五日在衙門辦事接得邸報云二十日西虜攻剋長安堡
遼陽大兵奔潰三岔河一路無人烽火斷絕遼城被困不
知存否臣讀之未終不覺髮豎可異哉中外泄泄日墮奴
之術中而不自覺敗壞封疆貽憂

說盡玩地
之情

君父以至是耶。蓋遼自有事以來，征兵徃餉，幾遍海內，主戰主守，幾無刺議。說者謂奴緩而我因之亦緩，其實我緩而奴未嘗緩也。奴急而我因之亦急，其實奴急而我未見其急也。不但逆奴非我族類，爲備爲悍，亦且精于用兵，善謀善作，以致陷我城堡，兵不血刃，勾連西虜，捷同響應。廣陽破而遼陽見危，長安堡破而三岔河路梗，東夷西虜已結同心。河東河西首尾莫顧，即令遼陽之經道將吏或焚渡河之舟，或決背城之戰，置之死地而生，反亂爲治，反危爲安，皆不可知。而以大勢揆之，山海以東，岌岌乎殆，恐非我國家所有也。

亦是大臣
分內事并
過不也

同朝何至此

卷之六

五

主憂臣辱。正此其時。閣部大臣。尚可悠悠泛泛等之尋常。聚訟會議。猶同築舍乎。成敗利鈍。宜身爲任之。是非毀譽。當付之不問。率大小臣工。日宿公所。部院科道。仍擇一靜密公署。屏絕廝役。時爲商確。謀有定畫。一面質之相臣。一面入告。

君父其章疏。不必連篇累牘。但求明白直截。不但省煩文。便于觀覽。且得。

主上將此事明白於心。其用一人。拔一將。當立限刻期。仍不可使之借名套辭。以滋規避。逗留觀望者。必罪不宥。京師五方雜處。奸宄易生。且奴賊巧偵探。細作無處無之。宜。

如何設法嚴緝京營十萬原以備有事之用且沿城結寨客歲曾爲料理今事急矣如何安插練習城門出入關係非細如何差官分守周圍城垛晝夜須嚴如何編民防護其乘城器物難以卒辦如何未雨而綢繆薊鎮大同

神京兩肩臂也其枕籍則咫尺相依其安危則呼吸與共當行彼中撫按如何簡練精銳使沿邊一帶屹然岳峙潛消外侮方無他虞且各預蓄一旅之師一成之卒爲都門不時之征調以爲護衛之用其新差撫臣當亟爲

詔勅俾得速爲此取毋執令勅常期致有後時失事之慮

山海爲東鄙之要害。重地也。亦危地也。孰爲萬夫之辟易。而足以當關。孰爲風練之貔貅。而可藉之無恐乎。此不可不究心也。天津居水陸之交冲。我旣可以鼓棹。彼亦可以揚帆。誰氏弁裨。可居上遊之雄。而舫帆無儼。何處健卒。可息鯨鯢之浪。而征募當亟乎。此不可不早計也。通州扼南北之咽喉。京軍之倉庾在焉。不但勢迫門庭。更儲百萬命脉。可無重兵以宿之乎。守通卽以守京。又不可不爲長慮也。至保定暨山左山右。河南河北。星布棋置。原爲三輔近藩。而拱護神京。又屬臂指相聯。各撫按咸抱許國之忠。誰無同仇之念。該部當亟行文該鎮。各將標兵及堪暫調營。

兵整頃二萬。即少亦當整頃一萬餘。以備不時赴京應援之用。蓋事尚須酌其緩急。惟有備乃可無患耳。此特爲護衛

帝京言也。倘遼陽未即決裂。機會尚有可圖。夫然後再議。堪調之兵。再用智勇之將。爲殘局之復整。爲捲土之重來。此在當事者另有長計。非臣愚之所可知也。至若遼左重兵。歷境聲息不通。外援不至。內呼無門。在遼陽者有垂首孤注之悲。在廣寧者有喙息空拳之歎。樞曹旣爲遼事添設。其官何不爲遼事宣布其力。倘爲被髮纓冠之救。應督發生力。是兵懾戈耀甲。揚旌關外。將山海以東。先聲可鼓。

或亦足以補彈寇驚風落懸之魄壯孤軍有死無生之氣
此又目前最切之着也微臣戀

主心長有志分王國之憂而辭

陛日近無計飲胡虜之血敢因一弋之獲以自効其款款
之忠如此

文書房揭帖四月初三日

元輝殿選中貴人三位

中宮河南祥符縣監生張國紀女母陳氏 東宮大興縣

民王學長女母李氏 西宮南京鷹揚衛舍人段黃炎次

女母蕭氏

禁發抄軍機

吏部都察院按出

聖諭朕惟遠患日迫內地防禦所在需人招選兵將乃今日急務該部宜遵諭豎旗掛榜即日舉行收到兵將三日一類奏糧銀即于前帑發銀內酌給其操練營軍編派保甲緝獲奸細修城挑濠守禦器械碗砲火藥已奉前旨各有專司限十日內完備違限的部科參治封疆大事主持專在朝廷當事大臣務要忠心體國不得瞻顧人言職掌利害豈有不知何乃漫無主持依違慢事科道官條陳雖有職掌然議論不一事難舉行且戶兵二部尚書兵馬錢

報責任重大、動輒輕議去留、致令掣肘無心、國事耽悞、即如熊廷弼、守遼一載、未有大失、換過表應、太一敗塗地、當時倡議何人、扶同何官、將

祖宗百戰封疆、袖手送賊、若不嚴核痛稽、何以懲前儆後、該部即將熊廷弼更換綠山、及參論各官、詳開來看、爾內外大小臣工、各宜洗濯肺腸、一心君父、共佐時艱、如大臣畏忌、薄視朝廷、小官不恭、淆亂國事、朕雖冲年、嗣服祖宗列聖、具有刑章、朕豈敢以姑息從事、諸臣慎之、戒之、特諭、

湖廣道方震儒條陳緊急軍務除要地添設巡撫四員、

等專疏另請外。今將目前急務開具進呈。

一寧前道叅議王化貞甚得西虜之情形。速宜加僉都職銜。令其便宜行事。與薛國用一同守河西等處。宜責成吏部周嘉謨。

一兵事急如星火。凡東事本章求。

皇上隨覽隨下。切勿仍沿舊例。

一兵事旁午。本章甚多。閣臣宜取翰林官四員。分閱擇緊要者貼浮票。以便觀覽。當即刻舉行。

一要緊軍務。不必從部議。獲閣臣徑自稟發。責成該部。以省稽遲。切勿借口侵各部之職掌也。

一速遣風力科道官十數員給與勅印限定時刻分道募
兵。兵餉即用新餉。地方官有怠緩者。即刻題叅。司道有不
堪者。即刻更換。

一造火器。

一大工宜暫停止。做工夫役。或修

慶陵。或修濬城河。宜責成工部尚書王佐。

一永順鳳陽係根本重地。加派遼餉。未征者亟免。以安民
心。已征未解者。火速查明。報部。宜責成戶部右侍郎臧爾
勸。

一巡城練兵。御史先募京城之兵。一以收驍雄。一以散奸。

棍兵部宜請帑金分給。

一遼陽不守。海運難行。當併力陸運。宜督餉侍郎李長庚。或回理部事。或敕守天津。

一各處近京諸道。應加銜者加銜。應更換者更換。巡撫亦然。責成周嘉謨。

一練兵少詹徐光啓。向住天津。即刻取回。以制火器修敵臺。責成吏部周嘉謨。

一自通州至山海關一帶口子。或某地應防。某地應築。某地可埋伏。某地可結營。宜勅少詹事徐光啓往相度之。立限回奏。

一京師自山海關當十里設一報馬以速探哨宜責成順天府巡撫李瑾巡按李凌雲

一京軍夏糧合于通州支放一以留京食之積貯一以散通倉之儲胥即先臣于謹燒通州倉之意也宜責成戶部侍郎臧爾勸

一遼事緊急京官紛紛送家眷驛遍苦累人心洶洶宜頒行順天撫按不係緊急軍情驛遍不准應付當責成兵科蔡思克

一崇文門外大通石橋關係城河作何料理宜責成工部侍郎姚思仁

一城外向無車砲。當即日做起。宜責成工部侍郎姚思仁。以上共十八款。皆求其直捷可行。有補于危亡者。伏乞皇上面召閣臣商確。逐款亟勅嚴切舉行。若丹候部復彼此相推。恐奴酋不能待矣。

湖廣道賈繼春奉

旨回話奉

聖旨。朕以冲年。

皇考見背。仰體

在天之靈。禮敬選侍。其移宮一事。大小臣工。連章奏請。始末情態。舉朝共知。毫無異詞。獨繼春首倡邪說。捏造李選

侍雉經。皇八妹入井。播煽流言。誣詆朕躬。若不窮究分明。何以傳信天下後世。繼春奉旨回話。初次只一揭朦朧。再次遮飾支吾。朕欲逮他來京。面質虛誣。今自認風聞無影。顯是明肆捏誣。供招定案。本當拿問處死。念輔臣奏請繼春認罪。情詞可憫。姑從輕革職爲民。永不叙用。

命右僉都畢自嚴駐札天津。備兵防海。兼理糧餉。王國禎駐劄通州督護漕儲。招兵練士。

刑科董承業敬獻目前至計。奏曰。嗟乎。自有東事以來。十萬生靈。伏尸暴骨。四海之物力。罄隨竭膏。無一日之休息者。以爲遼也。而今其已矣。遼去而金伏海。蓋不必言矣。爲

此等為
三岔河足
以飲此筆
馬化此筆
為山海關
以鎮定夷
氣化此筆
為長戈為
短劍足以
取校奴叛
將之頭十
步五步
之內

今之計緊關要地惟有三岔河口一帶尚可堅守而將卒
器械安在已出關未出關之兵馬所當星火催促以資備
禦又速發火藥器械以為奴酋必來之防一面布置三岔
河一面布置山海關而京營保定之兵不得不作速挑之
以出矣若都城之備戎尚容泄泄從事耶除遼瀋之鎮失
事一一查明必行賞罰無再稽遲外如分整京營分守九
門及重城等事多製火藥器械等事并乞早發內帑諸臣
詳言之不敢瑣瀆者惟望其即日舉行而臣愚見淺劣有
十議焉

一議嚴守薊密等處自者桃林口之挾實未休而虎酋乘

衆阻在薊門恐喝不散宜多設兵馬以資重臣彈壓

一議招天下總兵副總推守提應襲又各衛所空閒指揮千百戶舍人等官各帶家丁二十名以上至百名願赴兵部聽用者果有一長可採不論有薦無薦考其騎射統長之等策及見任品級即推守提等官兵部戎政聽用如家丁堪用起程之日各給安家行糧至京一體給餉可也

一議見任京營副參坐游各有家丁副將以健丁二百名爲率參將以一百名爲率坐營各以五十名爲率新升京營者亦猶各限兩月內總督及巡視科道親自查驗如不堪用并不及數者輕則罰俸重則革任總督衰老或能辦

此否。毋悞朝廷大事也。

一議錦衣衛原額營行步兵二千馬兵一千馬一千七百其本衛教場見在今已影射無存乞

勅令錦衣衛印官照舊查明令廉勇世廕官一二員統之即令教習操練此兵以備防衛仍屬兵部大堂不時查驗以免後日侵射偷玩之弊可也。

一議調莊浪衛魯都督原額家丁三千名雖兵已裁革聞其族尚有十萬餘人合宜查復舊額三千并給其安家行糧聽調取赴京以備出關之用可也。

一議再調南兵一萬招募新兵復補而即擇本地三將率

領再調南京江防等營水兵數千而擇本地二將率領各務刻期赴京分住通州昌平密雲以壯隅峙之勢可也。一議調延寧甘固之軍一萬五千即擇本地副總參游統領發赴通昌密雲三處以爲根本之倚重而隨于彼中招募補足其數此外若各衛班軍春秋兩班盡數撥赴京師每三千名各以本地一將統領出關以備封疆可也雖各有封疆抽調不無單弱而莫非王土事急寧容坐視則不空分彼此之見矣。

一議太僕寺馬匹各處解到俱矮小不堪備用又摩費錢每匹價至二十四兩合宜改折馬價解京擇委本寺官

葉兵垣議
積石塊亦
足以佐火
器之所不
及

有言移北
安門外處
平復舊

一貢往宣、大、山、西、招商、易、買、解、京、當、官、查、驗、堪、用、仍、給、各、州、縣、寄、養、以、備、緩、急、則、省、費、多、矣、

一議器械火藥。往往制造無關於實用。乞勅工部調取各邊精巧匠役一二百名赴京。與見在匠役互相指示并力制造。務求堪用。仍刻期催督。可無玩愒之弊。

一議罷內市。以清奸細。

以上十款。或可以支目前之急。或可以爲長便之圖。揔之披瀝愚衷。以爲救時要務。蓋亡羊補牢。其計已晚。苟悠悠坐待天下事去矣。

續考選科道

同朝從信金 卷之六
添設薊州兵備起邢慎言任之。○嚴趣添注五府京營諸將到任。

遣主事周鼎催兵。山西宣大錦衣指揮張茂中往通州天津萬邦孚往宣大山西招募精兵。

兵科明時舉上言。當事日玩一日。人心日懼一日。謹籌及時之劑。張聲勢以裨賊膽。修實際以固吾圉。俱急有裨于遼事者。惟

聖明採擇焉。

一議覓謀士。遣名將問道登萊。廣招健卒。督見札水兵掉舟。浮海直擣奴穴。

事有緩急
隨調隨補
獨不可乎

蔡兵川亦
主此說

一議下密檄遣使臣以利害動朝鮮約策應舉事

一議聽王化貞便宜以結西虜自今廣寧地方孤注可虞且坊牌突被回祿明屬奸細爲政非西虜同心廣寧未必守也中書舍人郭萬程投揭願往義氣可賞合宜聽彼就道同化貞商酌行之許令便宜不從中制

一議止調薊兵薊門係京陵重地凡苦盡調援遼兵勢單弱今復議調是以京陵戲也雖奉

諭旨當從撫臣奏請寢之以固根本

一議招義兵京城環聚勲戚及宦賈富室各有身家性命之重坐此漏舟勢不得不獻一點忠義心以報國家各

宜及時督率家丁或捐貲招募壯士畫地操練爲首者以兵數多寡授級勅賞以獎忠勤

上亦有思
勇任事之
數

一議撫臣督兵移鎮先是庚戌之役保撫曾膺防風之慘今奈何蔑三尺耶宣大總撫董漢儒報遣標兵三千入京護衛仍身督五萬兵移住宣府卓哉此舉此可愧觀望者山東河南真定諸撫宜令刻日移鎮再延治以逗遛之罪一議大臣司餉餉司楊嗣昌理河東新餉心血嘔盡才識兩超今遼陽既陷餉當別議矣且河西舊餉屬山東司理之關內等鎮舊餉屬貴州司理之各有典守欲求歸一非大臣總理不可當速移侍郎李長庚入京綜核此事分別

新舊以便責成

一議下嚴旨守催望臣以安人心熊廷弼等

勅諭愷切讀之心動再差馬上嚴催令刻期赴

召料理邊事實不可遲眉睫

一議急清水道御河之水出自西山源源而來夙稱金湯
近被勲宦諸人截水灌園以恣遊玩而京城之水遂淺竭
矣今宜差官查疏以備深池之用

一議恢復過之門

一議整理山海

一議分兵防守諸路自山海以北石門路所屬黃土嶺一

片石大毛山義院等口皆與遼東接壤而黃土嶺一片石更平曠無大險阻向來外兵多取徑于此邇者石匣口進步行達子十餘名深至鎮夷河口射傷守臺軍士石匣距一片石僅六十里許耳萬一奴窺兵單乘虛而入山海不駢枝耶宜令添兵防守嚴責該鎮撫臣

一議調勁兵日者調四川土兵是也乃甘肅兵廣西狼兵俱驍悍可以吞奴當並議調用然非風力科道單騎遄遣終成紙兵耳急宜遣官同稔知軍情將領星馳刻期調之一議招兵近者兵部開募兵俱從五城兵馬報名無錢者定不入冊且無破格之例人不樂就設處錢糧以備募資

責成將官以收實効此爲急着

以上諸款或擬之使不吾犯或脩之使不吾乘雖一得之凡應症之藥也乞

賜參酌施行

勅薊昌等處援兵俱着照原數督發策應毋得互分彼此惟謾誤事罪有所歸

初八日卯時奏告

天地

宗廟遣公侯張惟賢朱純臣李成名行禮

山東巡撫趙彥奏曰金伏海蓋原無重兵即有兵亦不能

奏告止七
大橋也

守賊由蓋州而絕糧道。在登州相望。一水三日可到。再或由旅順而繞登州。止半日之程耳。登萊危急。不啻焚眉。已屢行登萊青三道將沿海防禦。比常萬倍。加嚴海運糧船。即行停止。已發運者。仍差人追趕。毋資寇糧。去後。今據遼陽已失。四衛望風逃竄。勢必來奪運船。投奔登州。即彼中道將俱出避禍。則人民兵衆可知。又安知無賊之奸細混入其中。如瀋陽攻陷。此由降夷內應。其明驗也。又有吳金祖之餘黨數千人。尚未平靜。利于有事。倘從中爲難。其人。不歸遼。不歸登。只以海船遊剽于海遼之間。而人心即震動矣。臣嚴行該道督副將沈有容。駕船前往皇城島耀兵。

設防以壯聲勢。並示彼無可乘之隙。以絕其關入之思。期保無虞外。今准部文調沈有容統水兵三千赴天津。則登萊二千里海口。與酋共之。誰爲防守。今廟堂之上。止知遼左不守。薊門天津。逼近奴酋。有剝膚之患。不知登萊盈盈一水。我可以運糧。酋即可以窺犯。旣無重關之險。又無大兵之防。其關係。

國家安危。不在山海下也。沈有容應否赴調天津。再乞裁酌。除一應招兵選將制禦事宜。容臣查議另行馳報。修山海城。

議者謂速借大工銀十萬兩。委官修理。此議甚確。亦甚急。但修之非可聊且補葺邑也。蓋城薄則易攻。二砲打

城之
全
按之

即中宮父

之而遂裂城無郭亦難支撤去一重而遂陷城無池亦
難守敵入長驅而莫禁故今之修務於城之內熱厚舊
城之半城之外增築一郭以為內城之護而郭外之里
許又自北山至南山間鑿一深池即引海之水注之置
聯橋於其上緩則設之急則撤之而橋之質即於此山
取大木為鹿角欄聯置于兩岬建鋪窩於其內以防撤
橋禦敵之守蓋備以外胡馬不能入欄以內火砲可潛
具也或謂此時而有此舉恐功緩而費奢不知自山去
海遙度不過六七里監督得人只十數萬金饒為之非
奢也現制有法只羣數十萬工一日可成亦非緩也是
在當事極力任之而
總督極力責成之耳

升鴻臚寺少卿張國紀中軍都督同知妻陳氏封夫人

工部主事金元嘉行人張其平雲南主考 刑部主事項

夢原行人張樞芳貴州主考

叛臣黃衣伏誅

水廣寧人原任通判奉經臣委收糧于遼遼陷不死乃
判頭投降降甘心臣虜逆勢引見奴酋酋以大紅蟒衣之
與驛一頭同三僕送出招搖過市觀者如堵蓋明以其
身為招又陽用而陰圖之也但刻曾列冠裳受國厚
恩還自賊所甘為戎首既為誦德以誘其往又為彰威
以迫其從榮惠羣聽欲舉河西之地拱手而授之賊撫
臣捕得之與其僕黃春李四余仲義并梟于通遼人心
大快地方稍戢隨上疏自劾值殺之罪奏中有言若少
緩一日恐人心愈惑內變叵測雖欲殺之
有不及殺已耳可為深識之論廷議難殺之

逮原任監軍道臣高出御史劉廷宣專疏劾之奉

聖旨遼城失陷監軍官不能效死且倡為弃城陷虜之說
公然投遞印揭搖惑人心蔑視國法若使人皆效尤封疆
何賴高出着錦衣衛差的當官旗棍解來京究問其餘道
將姑着戴罪立功自贖該部仍分別具奏

劉幼疏云
奔山海奔
山海即奔
奔鎮恐當
事不察一
感此言聽
經撫之疾
呼而漫然
不應即應
之亦不其
忌不再繼
而天下事
走矣良是

按出揭畧云遼瀋相繼陷沒以皆有內應也遼人巨族
通李永芳者百餘家約期舉事而經臣又不聽職等固
守之策必欲僥倖決一戰戰本敗而又詐傳為官兵大
勝以懈我守侵晨合圍至申刻賊始攻城而西城樓遽
焚遂內潰不支矣臣僅與一僕攜關防冒圍而出人豈
敢愛其死而職寧死法不死賊亦欲有以為國家計利
害也全遼獨河東不忍捨耳而既淪喪矣河西又不能
存不如奔之而以全力守山海關乃河西又不宜奔諸
賊手似當明諭西虜啗之以此地為餌使西虜相構而
解而後我山海得守固也職在海州而城已空問三岔
河聞賊已據不得已至蓋州覓浮海之航而海蓋道與
張楊二同知先據舟待發矣死解之勢若此尚忍言哉
刑部右侍郎鄒元標疏曰頃臣趙

朝行至山東有言邊事急者臣心憂之行至前途聞遼已
陷閭里遂有尼臣于道者臣笑而不應臣以身殉國政兼
程而至則舉國皇皇臣語雖至腐敢不避愚陋敢以膚况

此郭古亦
人
初第一條
事為國為
民之隱知
無不言而
至明發其忠
行其諫都
命之風謫
然在堂

上請。臣謂今日國事皆二十年諸臣醞釀所致也。往者不
以推賢進賢為事，以錮賢逐賢為第一義。邇相祖述，言臣
不以公心為事，而以分門割戶，共為衣鉢。奈何朝不多事
而究大臣已死，恩責泉壤。諸人存者，談笑林臯，落得臣等
與諸臣共愛其危，何濟于事。臣謂今日急務，惟朝臣和衷
而已。庶民之家，厥子孤立，其家督杜門憂勤，一心撐持門
戶，不數年，家日殷盛，外侮寧息。

皇上初登寶極，何必愛者朝臣一和天地之和，應之。此必
然之理，無不可知者。何論事論人者，各有偏見，偏因迷迷
生執執而為我，不復知有人，不復知有人，禍且移于國。此

不和之流弊也。古人上殿相爭如虎，下殿不失和氣，爭如虎者，爲國也不失和氣。幾于無我矣。今論一人當惟公惟平，無述搖筆端論一事，須懲前慮後，無輕試耳。食以天下萬世之心，衡天下萬世之人，與事議論未嘗不平。風波未嘗不息，國家享寧謐清淨之福，願諸臣深維焉。臣意急在用人，各處添設巡撫，諸臣言之矣。然臣所知者，如徐宗濬不動聲色，功在邊塞，李邦華赤心壯猷，宜當破格。諸臣業舉之矣。熊明遇、劉憲寵、陳大綬、周起元皆一時偉望，今已推升。臣所知，則有南京戶部尚書汪應蛟、遼學沅、機通政吳可達、端簡、純誠、大理寺丞余懋衡、丹衷、石畫、副都御史

劉曰梧剛方正直。應天府尹。徐必達。壯弘猷。太僕寺卿。
周士登。學明正宗。光祿寺卿。蔡獻臣。冲襟實學。副史馬孟。
禎。澄清爲志。布政蕭近高。恬約自如。宜在左右。以借前籌。
此外如磊磊落落。慨力能任事之。岳元聲。曉暢軍務之。
申用懋。老年壯猷。半生未竟之。李綰。可備急使。此臣所知。
者。他未知。有諸臣舉所知在。用人急矣。不大破常格。謏謏。
拘拘。欲豪傑。我用不可得也。

世宗朝。以魏學曾。由光祿少卿。遷推遠撫。少年甲第。爲開。
府者。比比也。破格要矣。然又當存愛惜。推轂之意焉。或奔。
而至千里。負俗而立功名。取其來。不必追其遑。跼蹐之士。

在御之而已。若既用之而復蒙疵。何人無短。何玉無瑕。況此時得一濟時士如荒年之穀。天下用之惜之而已。而最當豫籌者。當先定勤王之着。順永保河真順廣大八府。青登萊濟東兗六府。宣府大同河南等府。其去

神京宜計道里遠近。剖符與之約。聞警如期而至。統兵山東則以董可威寶承武督促。至內八府則以李思孝督促。至山西則以季植督促。至以郡縣方面功大者。遷升京堂。方面升巡撫。巡撫有功者。許以通侯之爵。不靳爵者。人主所與共天下。以激世勵世之具也。賞既隆重。何人不願舍身謀國哉。又有超距而踵至者。練兵在內。諸勤王各在外。

環而攻之。令彼隻輪不返。

皇上高拱聽凱歌何疑。臣昨過青州。見知縣魏道悅。知縣柴應賓。知縣胡良執。所練兵可當國家一隊。入三輔地。遇諸父老子弟。語以我家。

祖宗仁漸義磨。二百餘年禮樂文物之區。豈可淪于戎夷。

一旦都門有倣。宜各舍身來衛。

國所以衛身。衛身所以衛天下。衆皆唯唯。臣復觀山東自

四十三年飢荒至今。數年如牛運馬運。海運又起。遠餉又

疲。驛遞馬戶。不勝其楚。至有鬻子女應差者。有泥垣走者。

人人泣楚向隅。若不大加賑恤。以安輯其黨。與大增馬價。

數語可當
千百道微

悲動監門
淚落長沙

即本處撫按郡縣萬分苦心亦難回元氣于大病之後此難言矣山東畿輔

陛下肘腋肘腋完固則身體康彊臣愚爲兩省遼餉宜全蠲免不然或減一半於

國家無損毫釐兩省受如天之福至于馬戶倍加優恤增價以餉兩省歎若更生其不鼓舞堯天舜日者必無是事也臣日擊心傷敢一及之惟

陛下留神省擇臣愚幸甚臣老且盡豈復省世間事念爲國爲民情不容已也

刑部右侍郎鄒元標續陳末議曰臣自癸巳歸里灰心藁

舍入朝
彷彿二疏
觀之古今
治道不出
亂矣

形坐以待盡一旦辱

光宗皇帝起

臣

大理寺卿十二月又蒙

陛下升今職不次之恩如天如地不告之遇似夢似想
臣即千死萬歎何能答

天恩萬分之一

臣

先是聞

幾人能免
此

陛下以起廢遼餉二事下廷臣議

臣

恨未羽翰白日奉佐
廷議然臣入朝有見與言不盡上負

立念自別

陛下下羞艸茅敬以舊習見聞者條呈上覽

臣

久負浮名

全無沉修起家之日即默默矢天此行有名想有家念不

培植人才護

國元氣爲

國陳小民疾苦者如日。臣今此疏甚淺伏望

陛下勅下該部酌議可行則行可止則止。臣腸雖熱。臣心

甚虛不敢以垂老強人以難行事也。臣具諸議于左。

茅

一曰拔茅昔聖人繫泰之初爻曰拔茅茹以其彙征吉子

繫之曰茅爲物薄用可重也。慎斯術以往其無所失矣。古

人倦倦保泰之殷如此。家臣簡拔臺省搜羅諸公卿揚推

亦既盡矣而猶有未盡者。家臣如不得已誠慎之也。察其

故曰月旦未一夫月旦能觀人不能盡人。先聖爲善者好

不善者惡。惟仁人能愛人能惡人。鄉不背善人仁者彼之

其所。則惡而辟。未可盡信也。得無以年邁不堪使乎。人才
少有少用。老有老用。長有長用。短有短用。聚衆之以成長。
正大臣事。我爲紅爐。是鐵可鑄。我如太虛。凡鳥可飛。臣真
見天下有可惜之才。無可棄之才。願各盡融先入。無以檢
才地。作選佛場。凡不甘老死。庸下者。誰不如我。而令老死
庸下。非仁者乎。得無以少年性氣。尚未磨礱。左足入朝。必
致多事。不知多事爲少年。亦非佳話。三十年飽歷風霜。尤
嘒嘒然。此必純任血氣者則然。今血老氣枯矣。山空木落。
天根見矣。我。用之。仍作故態。則另有公論在。泰之二爻。即
曰。包荒。無所不包也。馮河者。言勇于斷也。臣拭目以俟。

之論定矣
可奈何

一曰。闢。幽。人。在。益。載。中。亭。亭。表。表。照。以。日。月。澤。以。霜。露。秉。靈。睿。墮。地。來。必。有。一。段。精。光。不。可。磨。滅。之。氣。生。前。順。遂。者。死。無。遺。恨。其。有。志。在。謀。國。遭。世。忌。嫉。不。遂。而。死。者。有。力。擔。疆。場。見。有。未。中。不。得。志。而。死。者。雖。有。遇。不。遇。總。之。皆。盡。臣。也。而。其。一。生。磊。砢。之。氣。手。掃。攬。搶。之。畧。尤。可。想。見。倘。在。今。日。濟。濟。彈。冠。今。乃。為。泉。下。人。九。招。誰。賦。長。夜。漫。漫。臣一。念。之。神。骨。悽。楚。記。臣在。田。間。臥。小。榻。夢。原。任。太。子。太。保。兵。部。尚。書。石。星。者。共。寓。一。招。提。上。下。嶢。道。始。而。訴。其。衷。曲。繼。而。我。冠。博。帶。臣請。而。問。曰。公。何。冠。帶。曰。上。宥。我。矣。諸。臣。英。爽。諒。為。同。然。

陛下麗日當天萬彙畢照諸臣不得彰顯他日雖有大利大害誰復爲國家廷諍巨艱大患誰復爲借籌故我列祖朝時用此道時而雷霆時而雨露用能順天休命。

陛下亦當允諸臣請下部臣部臣請下郡國夫郡國嗜善慕義者衆亦有以無當沉閣者諸臣子固多貧乏不振雖有孝子慈孫之念恐難勝文移查剝之慮謀諸野何如謀諸朝陳人枯骨何須推敲一轉念間朽骨回春矣易之道在彰往察來微顯闡幽往者彰來者察微者顯幽者闡無有遠近幽深臣願有請

一曰遼餉頻年奴酋爲難新餉雖苦未有如再加之苦處

處剝皮、人人吮髓、有司焦勞于上、里巷嗷嗷于下、糧十石以上者差可糧止一石、數斗旱乾水溢外、尚不能供正稅、且有虛糧、虛丁、租戶相傳、無人承頂、他里他甲代賠者可念也、奈之何民不死徙、各兵各役、工食摩推、各旦夕不得休息、人目不過三分、將使父母兄弟妻孥共填溝壑乎、泣而訴踵相屬者可憐也、諸臣以國之苦爲苦、未暇爲小民計、小民以身家之計爲計、何知爲國計、兩不相謀、宜兩受楚然、民爲邦本、鴻雁嗷嗷可懼也、議者謂當復稅、蓋爲商賈多擁雄貲、取百之一、抽毛于拉、取窮民是求、鐵于針、鹽豈不津津足聽、顧三十年海內翹跂者、止罷稅一事、今

神宗

光宗及我

陛下慨然下明詔深山窮谷歡然更生。一旦復行

先帝與陛下明詔謂何難言一。開求出權稅之門難言二。

江濤拍天賈客風檣多莽魚腹難言三。願諸臣孰計之也。

臣以爲西江若此而山東各州縣若與西江同山東四十

三年如水如旱如蝗竭力愛養始得回生山東如此環海

外可知願計部早爲區處或九邊巡撫各處巡鹽助一年

公費或各區上司各倡義助環海宇如生之日也。

一曰理財。晉王安石在宋汲汲以理財爲第一義衆皆訟

助公費但
義助是救
民急者

言前若

之不知此迂儒見也。軍國大事自九夷狄塞財在外，民無復流轉，今爲奴酋事，司農頭鬚爲白，無門可控，獨是加賦一事不可長恃。年年遼事不寧，年年加賦，奴酋未入中國，中國先受困矣。此自困之道也。戰國富強，故孟氏以仁義爲富強。今

○高○議○絕○味○

國家衰弱，又當以富強爲仁義，各疏有屯田、鹽法、水利在事也。屯田參議吳撫謙言之詳可派也。今議屯田者，其說有二：有開屯田者在鎮，臣能開墾者升之；有清屯田者，夫屯田何易清也。臣親見上司委一官躬勘屯田，官臨田而勘，奸軍以民爲屯，官唯唯不知所辨。臣竊笑之。臣切謂國

屯田

有屯田原自古已然中間雖有荒蕪然可開墾其真田衛官與軍未有不知惟以本衛之官清本衛之田則田無不清其有能清出如百畝者或于原官量升一級或屯田不清者本衛本所不得襲替若是可得屯田真數十之九本地方官無以故事應之乃真正體

鹽法

國者此臣愚真見也鹽法今動稱虧額何以故總由巡鹽不得其人故耳臣所見聞如喬應甲尤遇奇孫之益其選也

國家欲鹽法之永無弊在于專任之中行超遷之典如課不充不得交代課充而別無異議行超遷之法即諸臣人

人奮勵即老臺臣亦可差不得以此作中差課不充未之有也至如尤遇奇巡三秦巡淮揚濯濯臨臨清時孤鳳以勞抵家而終不一行贈卹典勞臣飲恨何極況在事俸已滿司計者何如計焉水田如徐貞明路水客談出今西北水田有享其利者常明不宜行之太驟致旁諸四起今宏行有司以漸而行人孰不懼開粒食之隙令污萊不闢也舍此三項言理財即桑孔無以籌矣

一曰振武今日奴酋作難說者謂奴酋強臣非謂奴酋強中國弱也又曰滿一萬不可敵此更不足信也倘不敵我太祖何以驅馳中原奴酋何以安置旁塞

成祖何以入塞兩月不見一虜而還此古今可考從北征
錄可查也。臣爲非不可敵中國之失算也何爲失算兵法
百里趨利蹶上將深入奴巢皆自坐收局奈何不敗臨敵
易將兵家所忌彼着着勝算此着着敗道取固固宜。臣又
以知酋之無能爲也來也炒米而來破開原挑米而歸無
能爲者天道神明帝德好生殺我中國人民無數量諸人
冥冥懽懽其必助我天朝殲此虜死疑無能爲者兵法
不足過忌盈忌滿酋盈矣滿矣無可加矣倘能以官兵守內勤王
兵攘外必令隻輪不返

陛下高拱于上聽凱歌聲。臣等効死守于下萬無足憂也

說者又曰無將臣爲非無將也將不在武官而在文臣臣

分

朝五十年間聞士大夫推邊才者先時如少保羅通不可
得已近如毛伯溫楊博談綸王崇古又近如顧養謙葉夢
熊萬世德梅國貞三四人火器弓矢能自操作今士大夫
袖手談文墨語及兵事茫然張口即有談者又衆咻之其
人多跣跣不羈又過求之武何由振也臣愚謂兵科兵部
諸臣時各從曠野習弓馬各科道各部英果之士亦各結
社角藝文而武武而武

陛下擇日大閱各科道部屬須報名百人射者賞中多者

攸擢大破常格。朝中如是。各邊如是。奴酋聞之心膽落。以我素所酣習之文臣。彈壓其上。武將自然挺出。鼓宮宮應。鼓商商應。是在今日。一振振間。數百年社稷全盛。今日猶不自振振。徒取文墨議論。奈之何。不弱且靡也。易曰。泰之坎坎。險且枕。入于坎窞。今坎坎矣。險且枕矣。不自振振。其入于坎窞何疑。

一曰驛遞。驛遞之苦。自晉爲然。于今稱甚。前者礦稅役興。如折乾不足言矣。士紳得夫得馬。亦是。

國恩又復折乾。此何說也。徒知爲家庭飽奴僕。不復爲。

朝廷體赤子。臣家住江頭飽。悉此苦。臣邑夫不過百名。日。

停輶征蓋不知其幾諸夫多有逃者縣官設法復招之來
每年額設工食半在士紳家奴華衣上去不賢者不足責
問有游心濶大不加檢點者不知何說也臣目睹驛傳道
如范涑姜士昌過客知儉小民蒙休今不一大懲創許駟
傳道查有折乾川夫馬至五十名者每年密報部院令人
知其廉兢或加降責不然終至廢弛此不可以尋常視也
不能如范涑上疏力參者吏部查其人參處庶幾可挽諸
臣亦不記三十年前以布政宿酒店乎臣愚謂今宜大刻
奉

聖上日嚴禁折乾夫過五十名以上馬過十五匹以上許令

納銀本地方自顧夫馬。年年報積。過驛近銀若干。彙解京師作兵費。此非細故也。

又曰保泰有四。其一在簡天生。

陛下清明在躬。端軌示則。穆清于上。臣子亦當洗心滌慮。奉公肅清。于下共成一段清明盛事。庶幾流光史乘。臣在

田間。觀煩文日盛。真意日衰。心甚厭之。自都門歸者。未有不道垂索而返。不但垂索。且負責。其原皆起于要緊諸司。一倡百和。汗漫難言。彼不過欲倍奉一世歡顏而已。面則心非。退則口鄙。歸而剝小民脂膏以償。我愛紛奢。人亦念其家。諸匠入都。寧獨無念家乎。無是非無禮義也者。不遇

稱情而止。今之二十年視前二十年亦大相懸殊。總由交
道接禮之說誣之也。萬章嚴小不如孟子濶大濶大流禍
更深嚴小庶幾寡過。臣願以簡清之說與同朝共相交勉。
都門者四方之表則也都門肅清則由此而各省無不肅
清。今天下民財盡矣。臣等不一爲提唱上負

明君下負所學以堯舜而心盜跖。臣死不爲也。其二在儉。
夫臣子不清正豈樂與同濁都門米珠薪桂窮措大當之
良難揔由煩文縟儀宴會往來所費不貲只得安心逐隊。
苟且隨緣曰吾不與世關既不與世關昂昂丈夫之身與
塵緣共相沒矣。諸臣中惟初入館刑部大理寺評博中行

自甘冷局人亦以冷局目之此臣南北所親嘗者若志臣不自作主宰亦向煩華中走是自小也臣親見先臣孟秋楊植束馬糞爲薪此亦人臣也朋友以折柬相遺亦古道也今彼此往來金輝玉映所不敢加之今

上者臣子邇相往來非僭則瀆新進小生亦竭蹶過借以陪奉世界不可全古道于再見矣酒以合歡日日宴客果先憂後樂乎抑泛交乎今日當憂矣非金卮破愁顏時一宴數日之俸不得不苟取以供衆人之歡言及至此想諸臣亦臣厭之矣願諸臣減茲煩費共安淡泊淡泊則心清心清可轉臣所求于世矣儉而後能簡不儉未

不惟厭之
必有思之
自非此若
不貴說亦

有能簡者也。其三在和。吾夫子一生太和元氣。和曰達道。邦家必達。信自和始。人身一毫乖戾之氣。與造化相流通。惡可不慎。前數年諸臣和乎不和乎。護門戶如護金湯。入門之內者加之膝。在門之外者墜之淵。如年例如考察。皆自意念一偏。流于過不自知矣。普天之下。均王之臣。萍水相遭。聯裾而列。何沉何升。何親何疎。先正云。大者爲卿。爲相。次亦不失爲方面。一言不合。必欲錮之終身。曠鳴鸞。張光房。濮中玉等。註選已定。必欲斥其异已。今廉臣貞臣短氣。不知同己者。不過借徑以進。而心隱隱知其無當。先伏爲安身計。時移事改。抱琴過別船矣。今之所是。安知不爲。

後日之非。後日之非。安知不爲今日之是。諸臣未之思也。退居林下。惟死而已。斧斤加于林下。此何爲也。倘當時有以和字進諸臣。諸臣未必不爲轉念。奈悠悠世路。聽其自風自波。或飄或搖。至今惜之。易之同人曰。出門同人。又誰咎也。同人于門。曰无咎。惟同人于野。始曰亨。始得利涉大川。利涉大川者。遭時之難也。今何等時。惟有和心以回天意。以迓天休而已矣。其四在厚。易之坤曰。厚德載物。天之體清。地之體厚。所以承天也。含藏物。厚亦無自見。物孰有大于人臣。人臣萃倫之宗也。有生者。有往生者。生品如十年太僕五卿一真自如之葉茂才。力障狂瀾。進賢斥奸之

趙南星恬約邃學三十餘年獨行之高攀龍有白華濯濯
天真自如之安希范有簞瓢陋巷樂道安貧之劉宗周有
屢進危言磊磊落落之岳元聲有主事數月即錮之丁元
薦賀煥此皆國之名賢也。啓事遲遲物望謂何。有往生之
品則有澄清三楚一死報國之馮有京則有進賢爲任不
涅不淄之王教孟化鯨此諸臣者。顧憲成鄒觀光輩中人
談之髮豎念之涕零幽微不闕。

國典無光則有英風壯氣昌言去國之羅大就則有四箴
效忠之雒于仁則有力排封事心行雙清光祿寺少卿之
冷杰王學曾朱維京陳尚象主如堅則有暮夜指正之侍

御何選給諫。顏文選、楊文煥則又有倡道東南順事沒寧。故侍御之錢一本。故參政之姜士昌。故省郎之于孔兼。故主事之諸壽賢、薛敷教。生爲名儒。千古不朽。不加恤錄。重泉永閔。若復再加磨勘。日月遷延。雖黃襪出。諸臣不負國。國負諸臣。尚論者有餘思焉。俯仰管人。俱享得士之報。惟在厚恤職下。存其生。恤其死。如地之無所不載。此盛事也。惟

陛下力行之。臣又惟前所語者。郎署小臣也。有隻身當關。儲餉備虜。不得逞之。魏學曾其功不在葉夢熊、梅國禎下。不得世底。公論謂何。則有愚于任事之石星。彼其念欲求

和不過爲國計一跌而身死圖回妻孥戍嶺表足贖矣生平以身殉國爲復寧夏功在學曾夢熊上也加之罪旣足以寒樞臣之膽念其素亦足以慰幽貞之魂則有以緬事遣戍之李材夙負雄韜業廓清于嶺表乃人一言錮之重獄戍之出關其戍也

先帝已憐其枉而勇于在道臣工無不壯之不一體恤斯道無光則又有以播事孤忠被冤之艾穆江東之地之厚也無所不載諸臣有一長者記其功不記其過如地之無不持載是在培國體者留意耳右以上諸款臣方弛擔入國門感時觸目篝燈而書臣未閱全報或諸臣已言不知

其爲重復或諸臣所未言不知其爲獨創一腔血誠救國者不修容勢使之然亦臣區區犬馬之忱其人與事未必皆當衆心然時迫國危一壺千金緣臣年老志衰惟取人之長忘人之短樂人之善畧人之過倘涓滴有補臣寸心始慰臣無任激切之至

上曰續陳諸款其見有用實學該部一并議行
罪援遠逗遛鎮將王威達奇勛

贈恤先朝講臣焦鉉

命科道尹同臯等分營簡練

十五日

行納吉禮。

起李茂檜儀制郎

兵部奏獲奸細本

聖旨這捉獲真正奸細供吐既明着便公同法司處決梟
示有功負役依擬給賞紀錄餘黨上緊嚴拿仍移文附近
地方懸賞緝捕務在盡獲據供從一片石進入防守官軍
如何慢不盤詰并各緊要關隘該部通行申飭如有疎虞
一體治罪

本月十四日未時南城兵馬司吏目錢從恕捉獲竊賊
男子一名邢子成面生可疑似是奸細隨解到南城御
史方安處會同巡視廣興里御史侯梅審得邢子成真
定府人于去年九月十七日隨李漢擊出關本年三月

十九日有遼陽東門擺管二十一、日遼陽被劫于成遂
判頭有叛將李永芳二十七、日今于成等一百餘人分
路費七、錢進馬打聽三、舍河幾處深淺京師幾層閣
隘洞到官兵共有若干數目此一、百餘人俱係山西寧
夏真定三、處人氏二十八、日起身從遼陽東門出至三
岔河偷渡過來山、海關不放遂往一、片石偷進一路盤
詰只以殘兵抵塞本、月十四、日進京同夥三人一名陳
三策一名張克成二、人俱未判頭捉獲于成時二人驚
走等情看得奴賊之、勝算專以內應為主遼、陽伏車可
為長歎。今奴必欲、欲長驅勢必廣布奸細雖、奴計甚詭其
所差奸細必使人、見之而不驚望之而不疑如、升成者
未必真奴賊倚、仗之人而為其布散之人無、疑也若不
速為正法京師、何地可使奸究之縱橫乎

防西虜

時伯西糾合各酋聲言挾
責暗圖擒犯故嚴備之

添設司馬官其刑部主事萬燦訓工部營繕司王登庸改

屯田主事。○改遼東同知。管增山海管糧。

以上事。耿如杞協理職方。鹿善繼葉震生管題復本章。

起用謀勇將領。

本兵題薦杜光宇
顧尚文張成憲等

山東道江泗論上言。臣觀今日大勢。急着莫如收拾人心。

以圖恢復。嘗記宋人有言。土地歸本朝。金帛將安往。又傳

語曰。人心歸本朝。土地將安往。臣未嘗不歎其根本要官

也。自逆奴入犯。遼瀋失陷。河以東。抹血心灰。河以西。聞聲

股栗。且將有金湯不足恃。粟帛不足多。兵革不足強。望而

付斃之象。今百萬之金錢。

不知此無
形之賊守
奴之所不
能攻虜之
不能動同
公忽之而
不談

皇上不吝政務以授之、三軍之旂幟立可新也、征調召募、
羣策畢舉、帶甲控弦立可無單弱也、然臣以爲此但得其
具、未得其勢、得其勢者、得其心者也、使廝養以至將軍、有
一不如指之從臂、而臂之從心、不得也、則非如古人所謂
將必知兵、君必知將、擊兵如常山蛇、不可也、遼瀋未失時、
聞川浙兵衣不掩身、而日支五分、僅得三分五釐到手、人
人生怨、經臺主將一切付之罔聞、近日督臣之書謂除降
夷一事、其餘着着不差也、既下矣何以如北無奈遼人之離心耳、傳聞遼城
何故內應、約期舉事、皆遼之巨族倡之、至百餘家、前車旣覆、後
車可鑒、則遼之人心宜亟収也、京師五方雜處、在昔時爲

都會首善之地。在此時爲干羽而舞之階。

祖宗爲巡捕設營。不知今日即營兵爲畫餅。非惟無緩急之倚。而且有倒峽之虞。

祖宗爲巡視設城。不知今日即城役爲毀閑。非惟無畫一之守。而且滋挑激之擾。把棍拏訛頭等有名。然有名者人得執之。無名而掉臂無人之境。又不識也。保甲坊牌等有編然可編者。官得問之。彼乘墉伏莽。正托之無可問。而觀望一朝之釁。官不覺也。此輩善馭之則爲吾用。不善馭之則爲激變。當事者何不以召釁爲安撫也。况宸居禁近。隱憂易伏。

書

推

陵寢重地大本難拔于連觸忌誰測其深而任其責則畿
甸之人心空亟収也年來遼餉之議日增月益不厭漏卮
計臣仰屋窮年太息然初意欲成袁應泰撫順之復不得
不倒囊徇之其苦心應耳今海內之力殫而人心且搖搖
莫適以農則東稜西旱此僞不講而加之三釐才幾六釐
又議九釐待掃奴氛轉望轉熾則聊生之心幾何以商則
包採輸權織造倍蓰虎冠常津望關墮淚去年弛禁今復
重典則子母之術難售近日部臣楊嗣昌爲畿輔乞蠲加
派誠萬不能已乎蒿口者也

皇上慨然經理宜以內帑任之與其厚藏以資盜糧何如

善散以寬民力。此屬雖微，王者以爲之天窮。愁轉令莫展，難必不反其常。如蛇山之衆，至千至萬，非有爲之陲，惡得如此。則山澤之人心亟收也。數日以來，驚心震迭，諸臣聚族而議，曰：練兵，曰募兵，曰選將，曰清餉，以至京城之區，盡召募之機，空關內之綱繆，通津之防謀。臣前疏請宿重兵于廣寧，今命將出山海關，不容緩一步。命將守三岔河，不容退一步。事勢急若災眉，而運籌尤不事事，其行者或以當戒而發于遲緩，則雖言行而終無解于不言之因，仍其未行者，或以鑿枘而疑于叵測，則惟不行而且戒于創之藤葛，爲悠悠爲泄泄，虜將渡河，手忙脚亂，廟堂旣

可切

須有大議
六師方饒
爲之

無截鍊斬丁之法令。中樞又乏進風逐電之神情。徒使壯
念空銷。熱心漸冷。何以令羣臣相救如左右手。則同朝之
人心。空亟收也。蓋人心固結。畫地而守。即爲堅城。何至見
虜如猛虎哉。不過乘遠人之離心。內潰而怏怏。用其狡計
耳。是以土崩瓦解之喻。千古堪爲凜凜。今日只在收拾人
心。爲吃緊實着。臣嘗觀史。晉之壞。不在太康之離亂。而
在太始之清談。有宋之壞。不在靖康之蒙塵。而在熙寧之
新法。大率國家之議論多。而責成之調停多。而振刷之體
面多。而直截之自古迄。今未有法紀不整頓。人心不收拾。
而能操勝制虜矣。伏乞

皇上與二三大臣以雷厲風行之勇。視乎中外羣臣百姓。各遑將士之心。務求其所以收拾之者。古之人主一言而將士流涕。一舉而收復同心。豈非今日之針砭乎。願皇上乾斷而力行焉。

兵部上言國法未伸。奉

聖旨。邊事艱危。卿職司本兵。正宜殫力盡心調度。徒爾請死何爲。各督撫等官奉命調遣。已及一月。尚無一兵出關。顯是蔑旨抗違。不顧國家利害。本都當逮治。姑着住俸戴罪。督催兵將勒限赴援。仍報起程日期。有違悞的。定以軍法從事。李瑾近報援兵一萬二千名。爾部查果否。督發如

王化貞撫
遼東

查稽延仍從重議郭增輝托故逗遛律干軍紀着錦衣衛
差的當官旗拿解來京究問該衙門知道

遼東巡撫新升經畧薛國川以病辭免參議王化貞代之
詔加解額兩京五名大省三名中省二名下省一名以
龍飛首科也○奴酋窺河

臺臣鄧秉修奏言路阻塞有可憂之漸八日導輕厭之機
廢耳目之任起壅蔽之害開擅攬之階來挑鬪之釁成雷
同之風啓執持之迷闢卸過之路

兵部請旣戰諸臣恩典奉

聖旨是遼瀋陷沒撫按道將各官拊軀赴難忠義節烈良

可愍嘉據奏議確宜沛恩卹張銓贈大理寺卿賜謚廕一
子錦衣衛指揮僉事世襲賜祭立祠塋葬尤世功陳策贈
少保左都督襲升三級仍廕一子本衛指揮僉事世襲賜
謚立祠加祭塋葬崔儒秀何廷魁俱贈光祿寺卿廕一子
錦衣衛實授百戶世襲賜祭立祠童仲樸贈都督同知襲
升三級立祠張名世吳之傑周敦吉復原職贈三級戚金
鄧起龍秦邦屏俱贈都督僉事襲升三級從祠附祭陳堯
甫段展俱贈按察司僉事廕一子入監從祭內秦邦屏東
土官秦氏特加二品服色給與應得

誥命子馬祥麟授指揮以示褒錄一門存歿忠義之意陣

亡主客官兵除行原籍優恤家屬仍從壇祭以慰忠魂其餘死事大小各官續查的確一體恤錄

遼東叅謀布衣張思任奏言日擊艱危疏曰原任遼東經畧袁應太過採人言題臣以布衣叅謀軍前臣乃于二月初十日戒侶星馳十七日抵山海關是夜有瀋陽被尅之報臣亦知賊勢急于星火勢重難支尤冀兼程而得前經臣一見共商防守之策雖接踵而歿亦無所恨乃獨與臣友趙佑輕裝並馬以二十一日馳至小凌河是夕二鼓得報知遼陽陷矣經臣歿矣臣仰天痛哭誓不欲生又切念臣爲經臣而出經臣歿臣莫適爲主矣臣歿何益不如留

一身以圖報稱。臣雖于敗兵中徒跣蓬垢。兩足重繭。一生萬死。至今魂魄未收。氣息僅續。第卽命而出。單身而歸。累革有心。殘軀無用。敢不披肝瀝膽。痛切爲

皇上陳之。臣身在逃兵中。遇潘問藩。遇遼問遼。其敗狀頗悉。有爲潘陽之尅。李永芳兵未入城。而賀世賢先開門殺出。徑奔西山。所遇兵民無不欲殺者。有爲潘城外備火器以拒奴兵。賀世賢以保城爲名。盡拘砲手入城。不許輕放者。有爲潘城旣破。川兵扎營甚堅。李永芳得我火砲手。觀什其練人賞千金。卽用以攻川兵。而川兵無不立碎者。有爲奴兵結陣前。一層用木板約至五六寸。川機轉動如戰。

車之制以避鎗砲次一層用弓箭手次一層用小車載泥土以填溝塹后一層仍用鐵騎人馬皆重鎧待我火砲既發突而出勢若風雨又有一種達子赤身戴盔用爲左右翼殊敢戰人莫能當者有爲奸賊慣用奇兵前驅佯北以誘我師已而伏兵四起無不奔潰奉集堡之役火砲所傷不過前驅百十遼民奴兵佯退以驕我而我遂張皇報

偵探的真可笑

起套

捷大爲其所笑者有爲遼城既破李賀二叛將並轡入城李賊坐都司衙門賀賊坐經畧衙門李賊將隨身榆林家丁血戰有功者盡誘殺之以防後患而獻城之生員無不駢首就戮者有爲李永芳傳語遼人去者不留住者不殺

西人去者不追住者必戮以故遼人閉門納虜甘爲逆党者亦有爲奴賊先年打造船隻養南人爲向导今將振刷船隻南犯登萊西犯天津扼我餉道水陸並進者以上數款衆口一喙訊問相同非道路訛傳之比也以臣之所見言之遼左殘兵有墮指者有斷臂者有頭負重鎗者有背帶傷痕者傷殘之狀觸目傷心腥血之臭撲鼻載路日則放騎求食夜則並馬結營招之不從止之不聽至今皆堵塞關門又復闖入廣寧一帶以及諸堡朝猶成市午已爲墟有父失其子有夫失其妻三三兩兩哭而難經者有捨捨攘攘乘勢劫奪者揔之草木皆兵雞犬無跡耶欲繪流

民之圖寫亂離之狀恐不能摸寫其十一可痛也西虜謀
機挾賞章免欲堆疊甲于教場狹酋欲停妻極于官舍每
通事一到我之將皆甘言過禮奉之惟恐不至人言向款
賞之事有名無實賞布一疋僅三五尺賞銀一兩止二三
錢以故西虜無不懷恨又見東夷得利覓我虛實一則人
起貪心一則日無中國蓋西虜之情形若此可恨也所見
營兵營馬每數十百里設守衛一員兵不滿千馬纔強半
一旦聞警有人無馬者十之五六蓋一馬之料日食九分
而今半且不及又差煩累重每兵求一飽不可得何暇飼
馬驛馬歷數站而不爲更換經三日而不與芻料半體無

毫無不大瘡者皆有養馬之虛名而不得一馬實用可惜也運糧之車輛牛驢官買者盡爲烏有民間一息僅存敗穀積轅沿途狼藉火器兵仗悉棄道傍不惟費財亦以借寇可惜亦可恨也臣見河西將領與議戰守事宜皆云此間將士庀弱如鬼甲仗不完聞奴風聲皆已胆落一有緩急不歟即走且二百里之間進窺成羣流亡滿目至有不逞之徒明言願效遼人獻城保全妻子者可痛亦可懼也臣持原行符驗得人關門關外殘兵哭聲震天怨氣載道而摠兵皆以出關爲歎地如牽牛人屠肆步步迫歟不惟無閒心且無生氣將安用之人關以來光景消索旗幟不

仍存吞聲
不可使人
聞之也

見一新烽堠幾于斷絕空地消條人民逃散臣投宿逆旅
主人一家百口頃早臣行而人主亦挈家行矣臣冒死扶
痛人都以爲輦轂之下不知如何戒嚴如何振刷而當事
之議論日煩畿輔之單弱如故臣始而吞聲既而痛哭不
爲奴勢如此國勢如此而中國之泄泄沓沓仍復如此也
已而思之

聖天子深居九重三四大臣養尊禁近塘報旣不足憑人
言又不易達安所得圖外之情形而洞燭之乎臣是以不
辭煩聒不避斧鉞據其所聞一一上告不敢欺隱一言不
敢粉飾一字用見奴酋之賞罰如此嚴明而我如此之縱

全是國仇
倖于不可
知之數毫
無實濟幸
而一隅泰
動尚更有
不測將何
以終之未
漸細繆豈
虛語哉

元車行信金
弛奴賊之兵勢如此強盛而我如此之衰微奴無一刻不
思謀我間我而我以格套自蔽奴無一日不思持我薄我
而我以遠緩自愚河東十四衛之生靈可惜盡為膏血遼
左穀百里江山可惜盡棄腥羶薄海內外金甌玉燭之職
方可惜感此一隅

祖宗二百餘年櫛風沐雨之天下可惜忽焉搖動倘恕臣
狂愚鑒其誠惻

天子儆惕于上羣臣奮勵于下如救頭燃如援嫂溺神氣
大振捷伐用張保河西即以保山海保畿輔即以保神京
保神京即以保天下凡一切征兵繕餉斟酌于遠近緩急

之間臣雖萬死猶賢于生况幸延綏喘得以耕田鑿井爲
太平之民乎臣蠢愚朴陋浪得虛名兵不傳黃石之符劍
不習白猿之術况間關餘生數殘痛體宿病舉發已成廢
人即與扶病還山苟存視息但念主恩不可背負時艱不
可隱默敢以一腔熱血願洒于
陛下之前伏乞

皇上宏芻蕘之聽廣葑菲之采獨果斷乾剛自爲
社稷計不惟臣死不朽即舊經臣亦當含笑入地臣亦得
藉手以報知己矣疏入

上曰張思任既悉遼左情形該部作速擬用

命三法司熱審○防素茵

二十七日

大婚發冊奉迎正使公張惟賢副使大學士劉一燝韓爌
勅各邊督撫移鎮照議住信地揚兵往來并定期限聞警
疾至

廣西道游士任奏曰奴事急矣旦晚必渡河矣廣寧兵將
城池無一可恃旦晚又不可知矣所檄各鎮兵馬若干紀
無一至而庸樞崔景榮口傳九紙催文便謂足以辦賊向
來只說鎮靜二字竟斷送了兩箇堅城誤殺了百萬性命
應斬一今又不差官速催聞臣言尚不急差官又只寫幾

廣西道游士任奏曰奴事急矣旦晚必渡河矣廣寧兵將
城池無一可恃旦晚又不可知矣所檄各鎮兵馬若干紀
無一至而庸樞崔景榮口傳九紙催文便謂足以辦賊向
來只說鎮靜二字竟斷送了兩箇堅城誤殺了百萬性命
應斬一今又不差官速催聞臣言尚不急差官又只寫幾

句催文。兵來定不速。必又斷送了廣寧。應斬二。廣寧一去。山海薊門皆奴破竹。又必斷送了薊門一帶。應斬三。若待到此而後議斬。亦何補于。

君父。晉嘉靖庚戌。虜寇大犯城下。逮兵部尚書丁汝襲侍。郎楊守謙。通州都御史王議等。下詔獄。命王邦瑞。總兵部事。而軍士以奮。卒以收功。今明日不卽逮了。雖景榮必不來。一面卽以果畧英風之孫永宗。卽改補兵部尚書。而協部不可一日無請。以白瑜改于協部。此公論。允協旦暮定。有公疏。而涂宗濬王象乾已題有提督陵京之正銜。併嚴賜俞允。以便催來不嚴。諭着部司官單騎急催。各鎮勒。

限同來則兵來亦不速不即逮李瑾責以疏稱免調解散
人心擬斬則此後兵更難調西將陳愚直逗遛檢關不前
見疏叅始到便應削職帶罪立功保定總兵郭增輝近高
臥涿鹿亦應照陳愚直處分不則兵將縱來亦不即出關
兵部司官覺有氣岸征調不得法亦司官之責也又不能
厘奸致來投用壯士解體而去景榮刀已加頭尚屬司官
令代擬一疏預先請宥以杜人言以求爲免逮代之計應
併薄罰以責后效若山海關外議鑿河亦是急着河邊應
置木城以便闌阻放火器一片石薊門等處有必由之要
道急須造木城設木杆挖陷坑以備緩急再職前疏中若

慕草澤英雄訪知極透中多將才如已奉

旨來任練兵游擊孟淑孔雄才偉畧有衛霍英風

欽依叅謀張思任有胆有才精火藥戰艘俱堪大將如三
科武舉原任膠州鎮撫趙佑才識爽捷家丁驍勇急用可
得精兵數百人若原任山東副總兵吳有孚意氣激昂人
心歸附急用可得精兵數千人若平橋已薦授守備未任
鄒聘魯父子勇力技藝十倍過人兼有家丁數百名原任
游擊趙鳳岐乃援遼總兵趙夢舜之子也願出報父讐政
堪鼓舞得此數人便可得精銳萬人若職所採訪札記或
可使朝鮮或可諭山東礦兵或精太乙壬遁或精騎射擊

刺尚不下數十人而所結約勇士不下萬人不得孟淑孔等不次聘用必不得飛將何以固圉何以滅奴又若開膠萊河練水兵造戰艘以便運道以防登萊以備奇着職竟可率前諸將士力任其役倘後不效即嚴加譴責職所甘心

命司寇黃克纘暫署戎政協理東事

冊封王氏爲良妃段氏爲純妃命禮臣具儀進呈

三十日文武命婦奉

詔朝

皇后於武英殿各上箋慶賀禮成賞賚有差

梁傳御疏
口當吉典
告成之日
有神人聚
其之休可
請法頌

磔大逆劉保于市

中城巡視貴州道梁之棟等干本月二十五日
逆劉保二十七日捉獲劉保之子劉于翰
研審據于翰供稱伊父劉保素與李永芳通好
遍邸報用白封簡不寫字跡送至遼陽報銀每月一
兩或係家人往取或永芳家丁高月送來假充官差或
私買馬牌劉保乃寫提塘官名稟稟驗放出關去年三
月入月中高月來京兩次今年四月內賀世賢家丁李
成恭亦來京謀探等語又據于翰供稱本年四月初四
日親為伊父劉保寫答賀世賢書內開韓宗功到已知
事體停妥但三公河兵馬不知多少此時乘勢前來諒
必無敗之理如過三公廣寧更易山海愈便如或取勝
京都何難目今兵馬調赴不前畏怯大兵速速可前來
也茲韓宗功回遼忙中草此密報如有示下另聞隨
給希筆當堂供寫復審劉保與伊子供吐相同看得劉
保係遼陽衛人舊充兵部長班再跟遼中道撫有年慣
于作奸滑法通賄賞官遼陽將領藉為窟穴多將提塘
易通線索至犯滔天之罪明恣不軌之謀四載以來世
無寧宇固有危形其貽禍之烈也據歷供情狀叛在

輩藏患迫日前聞者無不肝裂而膽摧通國咸欲啗腸而飲血在劉邵當按謀反大逆之律凌遲處死決不待時劉子翰當照父子兄弟之律皆斬劉子簡並其家人劉邵劉福等另議正法而現獲未獲諸犯如彭應高韓叱刺馬作林小吳從二孫賓等俱俟捕到折審分別輕重並其妻妾應得之罪另疏上請倘屬無辜宜弘解網奏入得旨俱依擬行

大略

五月戊寅朔

奉天承運

皇帝詔曰朕惟君統天下以爲家后輔一人而正內故大
婚彝倫之本風化所基聖人謹焉朕以冲齡嗣膺寶曆惟
是宗祧重計夙夜祇念茲者遵承

皇考詔命特諭所司簡求令淑作配朕躬是用祇告

天地宗廟於天啓元年四月二十七日冊立張氏以正中
闡而奉

九廟帥六壺以式萬方茂開祚胤之祥丕衍邦家之慶布
告中外咸使聞知

諭免經筵

時以天災故暫停日講照常行以後凡春講二月十一日起五月初二日免秋講入月十二日起十月初二日免是爲定規

兵部遵

旨傳宣照得逆酋狂逞連陷藩遠

聖天子赫然震怒決計除兇調遣精兵四十萬厚集河西何敵不推乃至天討之方張復得天心之默相提獲通夷提堂官劉保伊子劉于翰等潛伏肘腋之地暗結猱羆之奴假郵筒而輸我情形和虜財而爲彼窟穴詭言誑惑包藏禍心蓋載難容神人共憤是用凌遲處死傳首三

韓黨與妻孥以次誅戮再照軍機秘密原未抄傳紙上空言何關

廟筭今劉保誤以邸報爲奇貨而李永芳又誤以朝報爲秘謀小醜無知自干國憲爾官軍民人等尚宜同心敵愾并力緝奸無蓄反側之情同罹赤族之律有能懷忠抱義設計用奇斬李永芳等首來獻者賞十萬金封侯伯酋首來獻者賞二十萬金封國公如李永芳斬奴酋來獻者亦待以不死仍加官職其西虜諸部能斬李永芳與奴酋而來獻者加賞加封仍盡與會之地信賞必罰明服我武之維揚化佞歸忠立見元戎之授首特此榜諭衆知

補河西急缺、陞長蘆運使韓初、命山西叅政專理廣寧糧餉、運同馬紹芳、山東僉事廣寧監軍道○改王則古廣寧推官、

上諭戶部軍需動請內帑、危言抗疏、不思自己職掌、國家經制、即如遼左新舊兵餉、先後分數、從未清查、目前諸需酌量補湊、都不計算、祇靠帑金、豈成政體、朕念遼瀋變起倉卒、防援諸費、事多創加、一時措辦不及、已經二次給發、茲再發帑金二百萬兩、給發該部、公同確計、陸續支銷、務當實用、其額派餉銀、並積欠至數百萬、作速督催、巡撫司府各官、除住俸停陞、例陞併急、公完解的、仍移咨吏部分

別旌罰斥陟務在必行該科仍不時指名查叅奏處

贈馬德澧太常寺少卿

贈李德陽南戶部尚書

各省典試福建簡討劉鍾英禮科汪慶伯四川禮部員外
楊弘論大理寺正梁建延廣東工部員外華顏中書吳之
仁廣西兵部郎中孫穀刑部主事顧大章

命御史劉蘭掌河南道印管大察

命議各鎮調兵限期

兵部酌量地方遠近四川漢土官兵三萬名又李乾督
兵三千六百名限六月終旬湖廣麻鎮五寨司等土官
兵二萬名限六月中旬浙江調兵一萬名限七月初旬
各選委廉勇將領及該土司目把等官剋期到京分發

則計在上
說曰使本
處部必受
令其推測

家人臣多
先見之珠
國家受后
事之說
昔嘗幸諸
道罪耶

應援外今查四川永寧遵義等兵素號精強兼可朝懾
夕發但漢上既殊非用一大將統押恐人情不免參差
彼中總兵黃守慰近陞南京會書尚在候代合改援遼
總兵官責令統領其湖廣麻鎮五寨等兵彼中撫臣選
委謀勇素諳夷情信服將官一員浙江調募各精兵彼
中撫臣選委廉幹知兵將官各一員浙江調募各精兵彼
江仍各委風力擔當司道一員監督催發庶事體重而
赴義自速各處依期應援不得遷延時刻其安家行餉
犒賞等項各該撫按查照加派新餉征收支給如有不
敷即將額解錢根內那用仍徵新餉扣抵要使士氣踴
躍電學風行如或逗撓稽遲以致贖敵慢事撫按及監
督司道各一體參治

少詹事徐光啓上封事

竊臣叨官翰墨東事之初謬充責任何為多口詔尤自
奔于日月之側乎實知此事必未能了必須盡用吾言
然後可濟也念此時不言俟再敗而後言之不惟無及
于事亦非人臣之義也故汲汲建議雖不用由今思之
幸無不早言之悔矣臣昔年諸瞞人部言戰勝守固必
藉強兵欲齊強兵必須盛甲利器其選實練是錯曰器

越不刊以卒于敵也卒不可用以將于敵也今之兵者皆明知以我與敵誰肯向前既不能戰便合嬰城自守整頓火炮待其來而殲之尤爲中策奈何今將兵民屯位置之城外一聞寇至望風瓦解列營火炮皆爲敵有返用攻城何堅不破陣無守兵人知必破合城內潰自然之勢是諱嬰城自守之名而甘養師失地之辱臣不能爲在事諸臣解也從前再敗病根易見及今不思變着雖征調招募更如前日奴之勝勢已十倍于昔矣況未必能如前日於今欲求畢戰之兵必悉用臣言日夜營練選之數月然後可將而寇在門庭又不能待臣之愚見以爲廣寧以東一帶大城只宜堅壁清野急備大小火器待其來攻憑城擊打一城堅守必不敢竊越長驅數城堅守自然引退關以西只合料簡火銃製造火藥陸續運發再用厚餉招前募精兵能守城放砲者今至廣寧前屯山海諸城職之爲守萬勿如前二次列兵營火炮于城之壕外糊塗浪戰即是目前勝算矣待兵力聚集器甲既精度能爲勝然後與戰可也至如都城固守尤爲至急凡兵家之法近攻者先剪其救應遠攻者必斷其根本根木一固敵必不敢深入重地自遭殲敗京師固本之策莫如速造火炮蓋火攻之法無他以

大勝小以多勝寡以精勝粗以有捍衛勝無捍衛而已
 連以喪失中外大小火鏡悉為奴有我之長技與賊共
 之而多寡之數且不若彼遠矣今欲以大鏡勝之莫如
 光祿少卿李之藻所陳與臣原疏建敵臺以護鏡以鏡護城
 有捍衛勝之莫如依臣原疏建敵臺以護鏡以鏡護城
 以城護民萬全無害之策莫過于此若能多造大炮如
 前法建臺數里之內賊不敢近何況仰攻乎一夫之強
 可當雄兵數萬此非臣私智所與亦與劉鎮諸臣器不
 同蓋其法即西洋諸國所謂鏡賊也此功一成與國家
 萬世金湯之險不止一時禦寇之利而奴賊聞之矣不
 敢肆行深入都人見之必肯安心固守南行之人皆將
 返首矣歸海內奸雄亦且潛消異志若不營此事更復
 悠悠忽忽豈待敵來倉皇為計必且出干至下之策而
 大事去矣臣建此議今已三年近日聞中
 朝諸臣如刑部侍郎鄒元標等數臣力主臣說其餘而
 相咨問皆以臣言為然今日之事務盡用臣言造臺造
 砲悉皆合法而他日有一馬一賊橫行城壕之外者皆
 請以身就其咎矣都賊既安就用此法行于邊境憑以
 而守兵不必增而餉日減將此減省之餉并以厚戰士
 以精器甲自然人人買勇何至如今畏敵如虎謝崇佐

如陷井平伏乞
皇上決意行之宗社生靈無不幸甚至經費未曾量度
就令多費乃是萬年大計而他日所省養兵之費又且
不貲豈若遂左千三百萬金錢委諸逝波而又以土地
人民殉之者乎此外強兵決勝之計畧具前上諸疏中
容臣即日再行摘取緊要事宜恭請 欽命施行

御史畢佐周請大發帑金疏曰頃賊窺三岔河備船九十
餘隻尅期擬渡報至邦域諸臣相顧失色廿三日慶賀禮
畢合詞仰請 臣謂

陛下聞報富有赫然震怒不待疏進立召閣部大臣詢以
無兵無將之故資以召兵調將之費不崇朝而沛發帑銀
數百萬期滅此而後朝食乃奉

旨借發帑金百萬且切責該部乘危要挾之

章如出一轍

陛下豈以邊事爲當緩乎夫三岔廣寧等處必當屯重兵也不待智者而知兵不得之現在勢不得不出于調今調兵一萬費銀二十萬矣兵不得盡之調勢又不得不出于募募兵一萬費銀三十萬矣

陛下試度諸鎮防守之兵非數十萬能分布否

陛下又試度諸鎮調兵募兵之費非數百萬能濟用否今撫臣道臣不奉

旨募練平而銀不湊手尚滯邦門之郊故百萬之借發在陛下若存乎見多臣計以各鎮借兵之費尚存乎見少數

百萬慨發於賊未渡河之日則今日及時之需爲有用若
濡滯至賊圍城而後發則無及矣大抵天子以四海爲家
苟廟社無驚四海之財皆其財倘社稷多虞即瓊林大盈
祇爲盜資耳經臣袁應泰留

欽賞銀六十萬不發留餉銀兩月不發豈不謂儲此可爲
後需逮遼破而竟爲奴有乎即小喻大

皇上又可瞿然思矣臣願

皇上委勤幹內臣二員通查內帑數目約計發過若干尚
在若干一併發寧外庫諭令戶兵工遇急奏發不惟下無
再三之責

上無煩聒之擾則中外將士無不人人感激而思奮者矣
冊封王良妃段淑妃妃父王學純段彝食錦衣千戶俸
御史蘇述論遠撫薛國用病憊不堪經畧銓臣推用非宜
或虛以待熊廷弼張鶴鳴或念斗大孤城難駐兩重臣即
于巡撫王化貞加勅一道而

賜之尚方則事權歸一既無掣肘之虞又無傾軋之嫌
陝西道李達請

嚴禁內操

欽天監擇八月廿七日

先帝梓宮發引命諸臣早竣陵工

祠劉綎諸臣于死所歲時致祭

賜原任日講官袁宗道府尹王三才巡撫郭子章祭葬
議優叙原任按臣張銓父現任藩司張五典

督臣文球咨送投降夷人二百八十名轉發西鎮安插御
史江秉謙糾之大約以叛賊李永芳進逆書之詭已暗含
今日用降夷之計其來者未必真金白遺部即果爾然亦
必受奴酋約束指使而來此不待智者知之也方今剃頭
剪髮之殘兵遍滿四郊鼠伏狐穴之奸細潛跡都下正苦
糾察無方搜捕難盡之日感額攢眉而復明雜以降夷數
百將從何盤計從何緝捕哉且降夷二百八十名入關便

事實可駭
非過慮也

兩朝從信錄

重刊五月七

逃四十此四十夷人今在何處作何勾當分則強劫合則
哨聚無窮之害目前已立受之蓋不必奴酋犯塞之日攘
臂內應之時矣夫奴勢猖獗文球關外事權在握果能簡
選精銳朝夕團練修築險隘嚴催援兵否着着實事未聞
其如何運用如何拮据收納降夷復蹈袁應泰之轍此何
心哉識不足以灼機力不足以制變已槩見于此矣伏乞
皇上勅下兵部將降夷速行處置或殲之境上或驅之塞
外必不可留之腹心姑息安插庶內患消而疆圉永固矣
左僉都御史王德完謹陳三策一次大疑一定大獄一填大
柄何謂次大疑司禮太監盧受之當黜也何謂定大獄蓋

刑獄天下之大命也。庠時大理奏天下斷獄二十四人，
圍幾空。今以三朝之恩赦，而刑部重囚至八百餘，厲氣
冲騰，蒸為旱魃，仰茲熱審。

皇上異命堪憐，謂宜破格好生，上應天心，下甦民命。又楊

錫李如楨一獄，關係非輕。臣前同法官會鞫，如蹈湯火之

雞，般解之牛，鼎俎之鹿，悚惕有懷。宜酌羣臣大夫通國之

公論，倘以為可生，即應遣戍立功，收桑榆之川，如以為罔

赦，又宜正刑，飭法，勿致鮮孽之機。此皆重情，惟當果斷。何

謂慎大柄，蓋用舍乃人君之大柄也。而握兵司衡猶大，聞

大司馬王象乾今日應至國門，可付以帷幄折冲，而熊廷

臺中言謂
人獄之吉
者古今
如此說
從寬議可
惜應元矣
意反為所
信者非解

元標直文
李口碩七
當廷則竟
從宜議必
不能有限
舊仍保徐
議之古矣

以可轉臣
所以宗奏
平從從宜
議開端有
臣大夫

弼張鶴鳴膽氣梟雄縮鈴精熟旦夕可至以鎮山海總前
遠屹然長城至大司農李汝華夙著才名乃今氣息奄奄
宜令歸骨以沐老尚書王紀汪應蛟風采赫奕幹理精勤
可膺戶倉之任三策非遠九域可平厲精在

皇上而調鼎在輔臣於此三事暮而思旦而行所謂不動
聲色而厝天下于太山者是為旋乾轉坤臣將謂輔臣喜
倘于三事拂于耳逆于行所謂不急痛痒而視京國之立
墟者是為折足覆餗臣將為輔臣悲喜悲悲惟輔臣念
之至于臺臣梁之棟檣獲真奸劉保大是有功通臣吳殿
邦盜臣夾狄一疏亦是千古不可磨滅之論惟

皇上拔擢而大用之即宗社無疆之福也

御史周宗建奏曰日者科臣魏大中疏論僉都御史王德完謂其近䟽定大獄一欵有議寬如植楊錦之意臣讀之不勝駭愕夫如植楊錦禍國之罪舉國所恨請誅請殛三尺童子無不知之近因大奸既獲羣心相繼共求速斷以清內患累見章䟽此正德完所謂羣臣大夫通國之論也因見

朝廷久不賜決故德完䟽語兩致詰問意專在于飭法凡有目者誰不共睹後見

明旨有從寬之說

臣

等方相私訐謂與德完䟽指不合殊

兩朝御信錄 卷之六
非其求決之意不虞大中于前後語意盡行削去止摘其
發端兩言爲德完罪案臣于大中實所不解且大中視德
完爲何如人也方當

神廟宮闈不測之時舉朝惴惴莫敢一言德完獨甘萬死
擁護 孝端嘿扶

先帝至廷榜百餘死而復蘇迄今談者尚有餘痛幸得遭
逢

皇上復見登庸至于鄒元標兩人後先並起一時臣子聞
風慕義誰不指此兩臣爲魯殿靈光明堂彝鼎惟恐一日
不安于

朝且恐其直心見忌于俗風波末世安息難期而孰料橫
識醜詆大中者出而謀欲排去一人也

皇上選授大中拔之省席草一二疏曾無規正而傾誣辣
手先加于

先朝羽翼之精忠九死回天之耆碩乃其巧借兩重囚爲
題目似可箝人言而不知王德完疏語正可共質且大中
不思票擬之寬而直攻果斷之請今觀其疏中獨以狼心
毒口罵盡德完若有深恨于中而不能自禁者誠不知大
中是何肺腸臣子良心未死決非大中一人所能抹殺但
使一時

召用諸臣忽見大中無故而謀逐一言官國本之孤忠諸臣之竊位德完亦且慘黯無色迴腸自憐忘

先帝之深痛傷烈士之丹心臣不能爲大中解矣

吏部都察院接出

聖諭朕自覽文書各部尚書侍郎等官杜門請告在衙門辦事止左都御史及新任本兵尚書二人豈成政體適覽遼東巡撫王化貞奏賊夷謀犯河西情形最急一切防禦無備各官如何尚未到彼着即查照原擬奏請一一督發補任奴酋一隅小醜任我一二叛人逐日聚謀乘隙思逞乃我堂堂天朝濟濟卿士大臣畏憂譏讒動思引避小臣

挾私逞臆巧肆排擠忍令朕躬焦勞坐視封疆淪弃
國家優禮臣工

兩朝覃布恩渥即其祿位已至于此撫時省躬能無悚慄
輔臣劉一燝已着宣諭即出尚書周嘉謨黃克績李汝華
王佐侍郎臧副勸鄒元標僉都王德完并各衙門大小官
員即出供職不得論是非奴氣稍平危疆方復再聽高
尚以便身苟再任紛爭以快恩怨此時暫罷私圖專意急
公位居大臣或因指摘止就事辨明不得輒託疾言去小
臣即隨時糾正亦只靜聽處分不得連章求勝務殫力協
心輸忠盡職共濟時艱如仍前抗違

國典俱存定以無禮大不敬論決不輕宥該部院一體傳諭申飭施行故諭

冊封宗藩吉肅代益德魯蜀周崇等府

巡撫王化貞爲賊謀愈迫我備全虛懇乞

聖明亟勅該部多方措處以應遼急其保殘疆事本月初五日據回鄉張天復等聽聞說李永芳傳調船隻要在五月內黃泥窪犯搶廣寧初七日據臣所差旗牌官云奉差前往南四衛探聽事情回報李永芳帶賊三千名暗襲東山將礦兵殺死許多又叛將楊于渭等將南四衛領兵照冊勾補又差人選壯丁多給馬匹又用車運盛川則賊之

急急謀犯其情可知我之兵力未集招募義勇及潰卒皆
赤身徒手難倚爲用出關之兵旣及數千不得不分河上
而黃泥窪之可愛更有倍于河上者臣欲厚給紗花爲我
藩垣而撫賞銀帛一毫未至承委各官皆以空手不敢相
許僅加賞數千以示稽縻已耳今紗花以種田地而黃泥
窪一帶虛無人馬突如其來誰爲禦之臣承乏以來手口
拮据心血爲枯屢疏請兵請官請盛甲請發帑因提塘官
劉保以謀逆伏法邸報不通至今未知各疏有無封進有
無下落未知

廟堂之上作何處分望眼欲穿拊心欲嘔而竟無如緩不

及事何也。盛甲雖有運到者，皆不堪用，勢須改造。然土匠沒于遼陽，客匠還于關內，則無其人。煤鉄陷于東山，筋骨聚于內地，則無其料。買馬招兵，所費不貲。近無銀根，皆從停閑虜使在關，坐領厚賞。方肯起兵，海陸二運、河上修築、簡練綜核，需人爲急。今止有廳官二人，其已前推補各官不知安在。臣四顧旁皇，計無所出，不敢爲張皇之詞，以駭中外之聽。今事急矣，稍遲則無及矣。臣謹會同總督文球督催援兵，張經世具題上請，伏乞

皇上亟諭該部，將戊字庫選鋒盛甲三萬、弓三萬、張箭五十萬枝，煉就建鉄三十萬斤，大小鉄將軍三萬位、三眼鎗

一萬杆照依舊曆四十七年故事特

勅科道二員督發僅免黑頭裝至遼地并發帑銀百萬運
付山海以備臣買馬招兵撫虜之用再推一宿望重臣出
關經畧并將推補道府諸臣嚴催赴任或一面擇有才智
有膽氣者破格陞擢以應一時之急其原調各鎮家丁立
限嚴催以資防禦并將天津水兵速赴三岔河口登州水
兵速赴旅順海口即壯聲援以牽制之俟大兵漸集另行
撤回此外凡以應遼之急者廷臣無俟臣叩請之煩各鎮
亦無俟廷臣催督之厲期于疾病相關呼吸相應庶危遼
可及恃于旦夕而捷伐可伸威于異日矣疏入

命諸司如議給應仍遂欵立限嚴督毋致稽悞

命御史游士任延訪奏內諸人招募徐淮精銳

御史蘇述請普示包荒疏曰臣惟國家設言官以廣達聰

明設大臣以平章軍國言官操是非之柄而行止則聽之

大臣大臣握黜陟之權而叅駁仍聽之言官兩者蓋並重

焉言官而附大臣則溺職寧爲過實過激之言而必不可

徇大臣之意以爲言大臣而附言官亦溺職寧爲徇任獨

斷之行而必不可徇言官之口以爲行如一事也言官言

之大臣覆之覆之如其事之局量而止不必純爲言者之

罪也一人也言官言之大臣覆之覆之如其人之品格而

此語大略
參之論

止不必執爲言者之咎也。乃今日則有可異者。即近如熊廷弼遼東回籍聽勘。今遼陽之失陷。致煩

聖恩。及經畧更換緣由。而欲罪言者。臣竊度之。此無論廷弼告病在先。被言在後。其去也果言者出之乎。抑經部議會覆奉

旨而去之乎。時臣欲上疏明之。以遼事正殷。衆方急望。廷弼之來。姑稍緩焉。以待大臣之剖分。今廷弼行且至矣。而大臣寂如也。則不得不言矣。謂此一事。廷弼有廷弼之本色。言官自有言官之職掌。豈獨大臣就中之主張哉。頃讀廷弼所述

勅諭內有科道風聞糾論大臣又不剖分聽令回籍等語是此事顛末已在

聖明洞照中矣蓋言官所陳者風聞之言也凡有而即言始成其爲言官大臣所司者剖分之事也應剖而不剖亦何貴于大臣倘使大臣有定見定力當言官糾論之時謂保全遼事非廷弼不可決當久任登壇可信違恤一軍之驚爲將推羊無問盈筐之謗不早斷葛藤省今日之再召也哉乃今日會議明日具奏今日議勘明日議覆因而擬票因而奉

旨廷弼始望榆關而遷矣此其言官之故乎大臣之故乎

如曰遼陽隔遠其諸功罪非往勘焉不可則言者亦皆隔
遠之人未勘時之言也勘者不得不勘則言者亦何得不
言總之未勘以前之廷弼不惟言者疑耶我
皇上亦疑也不疑而何以勘也既勘以後之廷弼不惟
皇上信即言者亦信也不信而何以更不言也言者爲國
勘者亦爲國疑者爲國信者亦爲國交郁于國即全全異
異亦何爲而不可何也發于小臣則爲羣言觸劄于
廟堂則爲國是覆于大臣則爲廷議而行于
皇上則爲主權成則言者何功敗亦言者何罪廷弼奏
旨而去遵召而來陶銘總是

君恩終始成其臣節。豈不堂堂正正。乃必驅逐出自小臣。若。

朝廷倒持其柄。以授者抑何大臣之不廣也。且言官何權之有。諸不具論。即今庸樞悞國。宰輔嫉言。徒煩請劍之章。空補折檻之牘。論者自論。留者自留。言官其如不去何。而謂廷弼之去。乃言官也。與哉。或者憤遼陽之破。而恨袁應泰。恨應泰而思廷弼。因追論廷弼者。邇流窮源。逋而罪之乎。夫憤遼陽。則當問守遼者。恨應泰。則當問薦應泰者。即廷弼亦當問會議廷弼者。今當境而問言官。彼言官當日亦何嘗曰代廷弼者。必應泰可也。遂因遼破以罪之乎。如

必執後人後事之善否。爲言者罪。言官凡出一言。盡一事。必總總焉。筭前慮後。避禍趨福。而後出于口。亦誰復敢爲國家籌事。揆策。發難。指佞乎。而天下事去矣。故今日之事。而必問也。則當自大臣始。而苟行株連之法。則言不一人。人不一言。撻伐未張于奴酋。黨釀先起于。竝下。若廷弼。此來。非爲刼強胡。而但爲除異已。則廷弼不安。諸大臣前。既順言官。以去廷弼。今又用廷弼。以逐言官。即大臣又何。以自安也。夫廷弼豪傑人也。今且挺身而東矣。既已急難。于公家。必不私酬恩怨。即今力赴殘遼。料理職守。但得奴酋授首。自然麟閣名高。萬世瞻仰。在此一舉。豈屑屑與。

言有爲難而又何必代爲報復也哉伏乞

皇上擴天地之有容鑒言官之無他收回

嚴諭令各部大臣將前叅論諸臣俱置勿論以安任事者
之心以作言事者之氣其于任用重臣優容諫官豈不合
之雙美抑臣更有說焉從來無理衆口之英雄亦無不坎
坷之世界品經衆論而定功以勸誡而真如必無非無刺
無災而無難也亦何成人品國亦何賴若人而用之即廷
弼此後作用保障與遼應有偉樹當重其權以擔當亦
何妨虛其心以聽人評論事固操于獨運議不病于互叅
自今而後若以言爲戒是視廷弼爲小丈夫不以天下奇

男子待之矣。豈所以重廷弼而亦豈

皇上任用之意乎。

臣

草疏甫畢忽見周嘉謨一疏備述

臣

揭中語因之封印求去。臣之揭原因嘉謨權加經畧于薛國用之語是直以封疆爲兒戲故反覆發明其不當用權耳。

皇上試問嘉謨經畧是否權加之官權加經畧應否于病廢不堪功罪未明之人既權加矣又應否不兩旬之間即聽令其請告而回籍是何國體成何舉動但得嘉謨此處肯一心服自後廷推必然慎重國事庶幾有濟。臣言不無少補矣何乃舍却正佐題目寂無一語而獨以權衡等

語爲解嘲也。至借此封印求去。實是欲激

皇上之怒。而箝言官之口。辣手又復見矣。大臣休休之度。如是耶。臣本當特具一疏糾駁。念中外多事。非臣子角口之時。且亦非臣以揭不以疏之本心也。統惟

聖明裁察焉。

史部遵 諭將原論熊廷弼科道等官開寫馮三元張修德魏應嘉姚宗文

上曰。這查議熊廷弼更換緣因。及開寫御史馮三元等原本。倡議遼事直攻廷弼解任回籍。後來料理踈坑。遼瀋相繼陷沒。斷送無萬生靈。慘毒異常。深爲可恨。可憫。朕心日

役不寧故差查議處你每部院大臣當時既不從公主持
今又含糊回奏且求寬解看來朝廷疆土人民海內安危
利害不若二三小臣當職情而更重大臣任怨何得如是
馮三元張修德魏應嘉扶同排擠致悞封疆都着降二級
調外任用姚宗文陰險傾陷實爲禍始本當逮問姑從輕
革了職爲民當差永不叙用該部知道

從少司寇鄒元標請宥原任司馬石星子石正奇戍

諭統領官將嚴禁援兵譁擾地方官亦不得踈玩開縶

頒行欽定考格

吏部文選司遵

旨議呈竊惟

國家以官人之職責之于銓議其甄別賢否貞邪以行黜陟者此考語也乃該考不知何以必用四六夫四六多浮誇則不後四六尚文文則不實字句之組織徒工形神未必盡肖到偶之湊合雖巧隱晦反以滋疑職不自揆量謬發一格凡考語冊一官項下以守才心政年貌闊列六款每款以五字爲率守下註或清操或謹慎或平常或玷缺或汚濁才下註或精練或過達或平常或疎拙或昏惰心下註或端正或坦直或平常或隱秘或奸險或下註或勤敏或整潔或平常或寬緩或惰廢年下註或方責或政壯或似壯或將老或已衰貌下註或端偉或雄跨或平常或綿弱或頽齡凡撫按復命報部冊季報冊及計吏五花司道進表以至各官給縣冊一切照格填註如監司府正佐及州縣正官有十字該載未盡者不妨開列事實款附于填格之後但填真實亦不必過多惟給縣疏及薦疏照用考語以明揚言之體其論劾疏亦須用真實開款不必牽強對股極之求爲明實簡易不欲以文相蒙人相冒而混綜核之理也查得萬曆四十二年十一月內右都御史蔡應科定官評之條一疏繫繫可行賦之說蓋準諸此非敢憑臆見以爲更張也案呈到部今天下吏治利敝極矣思

不在激勵無資而在評騭失實濫觴已甚化

議遵

明旨以飭新規不特人有定衡閱評者無煩于射覆而
有攸當手評者亦可省浮文而求實實是在省員
精察而力行之耳再照戶部雙月推陞全憑季報或
例炳如而省直間有經年不一至且所報者率有優
劣或所劣者止首領卑官臣部何所據以合咨訪而
別之也既經該司議呈相應題請合候

命下本部著為令典通行省直撫按自天啓元年七月
為始照新式一體着實舉行更乞
嚴勅撫按將季報按期送部不得稽遲府佐縣正每季
報劣一二人以贅斥由公典庶便責成條上
命如式遵
行著為令

遼東巡撫王化貞上言奴賊凶逆不道自絕于天必殲其
種類犁其巢穴方足快神人之憤雪中國之恥今之畫謀
而守者非為區區河西彈丸計也將進而撫定四衛收取

可也

其姓在人
雖猶是不
以當為立

遼陽以漸芟薙耳。顧非舟車並進，前後夾攻，不足以窮狹
兔之穴。而據猛虎之隅也。則水兵固進勦時所必用者。而
在今日為尤急。何也？河橋既斷，腥羶半壁。南衛豪傑引領
西望，至有甘死不剃頭者。冀我有以援之耳。乃李永芳征
東山，殲兵殺戮甚慘。而我不能援也。近諜者還稱九連城
有大姓招兵數萬，欲為我殲奴。李永芳再遣人諭之，皆被
殺。以此忿恨。悉遼陽之甲以往。先自有人自河東稱九蓮
城有大姓謬氏兄弟五人，一指揮四諸生，各捐萬金收積
豪傑，誓不與奴俱生。或以為未可信。今果以受禍而我又
不能援也。解忠臣義士之心，而堅叛黨從逆之志，亦大非

計矣。所以然者，以長河之險，彼既未能遽來，我亦何以輕往？若得舟師萬人，聯海上，將犄角朝鮮，明示進取之形，陰寓接引之意，奴兒樓船橫海，則狼顧必多。遼人聞伐，罪吊民則勝氣自倍。此事之萬全無害，聲實並利者也。夫天津南兵實係援遼之數，亟宜發行。登州水營雖爲備倭之用，暫借游防，況有此一着，而天津登萊俱可高枕臥矣。至浙江防海之兵，素習水戰，亟宜調發七八千人，從海上來，由鴨綠鼓枻而東，直指黃江，繞出奴寨之後，奴豈敢復安居于遼陽乎？故謂水兵之當亟調者也。至川兵可用，已有明効，必須多調，方可自成一隊，以竟其用。據川將周世祿所

調券峒塞之兵就中摘調十萬立集已經咨送兵部未見
題據稱小土司畏法易制大土司驕悍難馴宜責成道府
選拔精健不可委之弁流衙役徒滋騷擾且多徑竇不得
實用也但以虛銜鼓舞其長結以安家行糧人自願往又
必速行方及于事自今征調邊兵各有地方之慮精銳留
以自衛羸弱徒取充數望敵輒奔往事可鑒川兵非善戰
只無自免之策故爲川兵之當多調者此也昨據謀者稱
遼陽打造船隻及鉤梯挨牌甚多遣人借路西虜西虜不
許以此未動其實亦以南衛未定耳若南衛帖服自不必
借徑西虜一水盈盈投鞭尚可斷流方舟何難並進而臣

所請三萬之衆至今未集又多朽甲頽戈不堪爲用之人又何所恃以禦其來耶至李永芳悉衆而南我不能興一旅之師禦遼陽之虞紆南衛之禍坐失事機良可浩歎臣會同督撫文球具題上請伏乞

皇上勅下該部亟行天津山東撫臣先將見在舟師移防河口及旅順一帶以慰南衛之心牽奴酋之慮一面速調浙江水兵及川兵勒限赴遼其各邊奉調之兵再行嚴催如有後期不至羸弱不堪者勅令督臣文球從實奏報酌議處分庶免危遼胥溺之禍而狡奴有授首之期矣
逮原任布政馮盛明兵備吳瑞徵

時遼事倥偬。二臣先後引法。撫臣參之。科道諸臣迭糾之。大意以甘肅告急之時。秋正臣子効忠之日。民情皇惑之際。止司官彈壓之時。一為藩臬之長。一有兵戎之寄。乃先去以為民望。又何怪乎道路肩摩。輟擊奔塵相望也。甘肅民社。職守相關。議論至此。而兩臣無所逃法矣。

加贈沈整正議大夫。沈節市資議大夫。

賜祠額。劉綬。潘宗顏等。祠名表忠。張銓。崔秀儒。何廷魁。祠名昭忠。尤世功。陳策。祠名愍忠。各加祭二壇。

原任遼東巡按張銓男張道庸上言。親志未酬。

君恩難報。願備戎行以雪國憤。以復父仇。臣父巡按御

史張銓原以草茅荷蒙

皇祖拔置西臺。貞誠許國。矢志陳謨。未嘗一日不欲忠

子

朝廷也。向者奴酋發難，撫順失守。臣父時在江右，慷慨上疏，謂宜鎮靜徐相機，宜不宜妄動。速圖僥倖，且恭揚鑄非禦侮之才，薦熊廷弼有干城之畧，厥後竊以輕出喪師，弼以堅守寧宇在。

國家何舉
乎以先見
之名乎臣
子

廷諸臣始謂臣父有先見，且悔其言之不用。于是以十年資深西差告竣之御史復使按遼，蓋謂遼事非臣父不能辨而臣父亦謂遼事無難辨者。嗚呼！使當時有同心之臣與之共濟，又何有今日之慘禍乎？初臣父行至山海關，經畧袁應泰有招降之舉，聞之大駭，迫入遼陽，力與之爭，而

應泰堅不可易與臣祖見任山東右布政張五典書云袁

經畧剛懷無謀必敗遼事既欲具疏糾參又恐激變降夷

其可奈何既而巡行瀋陽見賀世賢快快察有異志復獨

授方畧于別將詎知世賢逆謀已久瀋遼繼陷皆反噬內

應為之祟也人謀不臧一至于此非奴酋能滅遼遼自滅

耳。嗟乎臣父之始謀不用而三路覆師繼謀不用而西鎮

喪地一腔赤血徒傾碧草黃沙萬里冤冤祇寄悲風夜月

臣一聞臣父罵賊盡節長號徒跣將赴遼陽訪求遺骸而

不知衆酋尚爾盤據也道經濟南臣祖謂臣此舉徒無益

言請

說有子
有父

闕上書請兵一旅効力行間徐圖報復臣洒泣拜別甫入都門聞

皇上憫念死節之臣特加欽恤臣父銓

賜爵賜謚廕子立祠兼與祭葬一時

恩典備極寵榮臣係長男側應受廕顧臣儒業傳家置棄

不忍且臣不共戴天之仇無能報復豈敢冒膺

寵澤自甘不孝之罪臣沿途至京見招募之舉紛紛四出

使臣若得勇士數百千人自爲一軍如漢羽林孤兒故事

得從諸將出關仰仗

皇上之威靈一戰滅奴臣得食其肉而寢其皮則臣父得

爲忠臣。臣亦不失爲孝子。然念臣雖懷飲血之心。未有同仇之侶。而家世清白。又不能散金以酬死士。此不得不聽皇上之裁處者也。伏乞

皇上勅下該部覆議。倘臣言可行。臣願手刃父仇。以報皇上之隆恩。庶烏鳥私衷。大馬微忱。可以少抒萬一矣。杭城火災。免春運織造。

兵部都察院接出

聖諭。朕惟遼瀋相繼失陷。河西督撫各官。舍卒防禦。勞苦倍多。將士官兵生者。慘力。哀辛。歿者。死冤。不泯。宜有賞賚。優卹。茲當遣官宣諭。御史方震孺先後具奏。請行着他去。

絲幣查照職級各于內庫領銀兩着遵前旨幣金內給發
御史奉勅行事銀幣仍另差解官一同前去該部院作速
給發遣行故諭